

白雲山志卷之四

寺觀

白雲山志卷之四 寺觀

白雲山志卷之四 寺觀

白雲山志卷之四 寺觀

白雲山志卷之四 寺觀

白雲山志卷之四 寺觀

白雲山志卷之四 寺觀

白雲山志卷之四 寺觀

白雲山志卷之四 寺觀

白雲山志卷之四 寺觀

白雲山志卷之四 寺觀

白香山詩長慶集卷第十六



律詩

五言七言凡九十六首

東南行一百韻寄通州元九侍御澧州李十一
舍人果州崔二十二使君開州韋大貲外庾三
十二補闕杜十四拾遺李二十助教負外竇七

校書

南去經三楚東來過五湖山頭看候館水面問征途地
遠窮江界天低接一作極海隅飄零同落葉浩蕩似乘桴漸
覺鄉原異深知土俗殊夷音語嘲啞蠻態笑睢盱水市
通闌闌煙村混舳舻吏徵魚戶稅人納火田租亥日饒
鰕蟹寅年足虎羆成人男作事鬼女為巫樓暗攢倡
婦隄喧簇販夫夜船論鋪賃春酒斷瓶沽見果皆盧橘

聞禽悉鷓鴣山歌猿獨叫野哭鳥相呼嶺微雲成棧江
 郊水當郭月移翹柱鶴風汎颭檣烏鰲礙潮無信蛟驚
 浪不虞鼉鳴江擂鼓蜃氣海浮圖樹裂山魃穴沙含水
 弩樞喘牛犁紫芋羸馬放青菰繡面誰家婢鷓頭幾歲
 奴泥中采菱芡燒後拾樵蘇鼎膩愁烹鼈盤腥厭膾鱸
 鍾儀徒戀楚張翰浪思吳氣序涼還熱光陰旦復晡身
 方逐萍梗年欲近桑榆渭北田園廢江西歲月徂憶歸
 恒慘澹懷舊忽踟躕自念咸秦客嘗為鄒魯儒蘊藏經
 國術輕棄度關繻賦力凌鸚鵡詞鋒敵輓轡戰文重掉
 鞅射策一彎弧崔杜鞭齊下元韋轡並驅名聲逼揚馬
 交分過蕭朱世務輕磨揣周行竊覲覲風雲皆會合雨
 露各霑濡共偶一作昇平代偏慙固陋軀承明連夜直建

禮拂晨趨美服頌王府珍羞降御厨議高通白虎諫切
 伏青蒲柏殿行陪宴花樓走看輔神旗張鳥獸天籟動
 笙竽戈劔星芒耀魚龍電策駟定場排越妓一作漢族促坐進
 吳歛縹緲疑仙樂嬋娟勝画圖歌鬟低翠羽舞汗墮紅
 珠別選閒遊伴潛招小飲徒一杯愁已破三瓊氣彌麤
 軟美仇家酒幽閒葛氏姝十千方得斗二八正當壚論
 笑杓胡碑談憐鞏嘖嘖李酣尤短竇庾醉更薦迂鞍馬
 呼教住骰盤喝遣輸長驅波卷白連擲采成盧散盤卷白波莫走鞍
馬皆當時酒令籌併頻逃席觥嚴別置盃滿卮那可灌頽玉不勝
 扶入視中樞艸歸乘內廐駒醉曾衝宰相驕不揖金吾
 日近恩雖重雲高勢却孤翻身落霄漢失脚到泥塗博
 望移門籍潯陽佐郡符子自太子贊善大夫出為江州司馬時情變寒暑世利

算錙銖望日辭雙闕明朝別九衢播遷分郡國次第出

京都十年春微之移佐通州其年秋予出佐潯陽明年冬杓直出牧澧州崔二十二出牧果州韋大出牧開州秦嶺馳三驛商

山上二邗商山險道中有東西二邗峴陽亭寂寞夏口路崎嶇大道全生

棘中丁盡執及江關未徹警淮寇尚稽誅時淮西未平路經襄郡二州界所見如此

林對東西寺山分大小姑東林西林寺在廬山北大小姑小姑在廬山南彭蠡湖中廬峰蓮刻

削湓水帶縈紆蓮花峰在廬山北湓水在江城南何遜詩云湓城對湓水縈如帶九派吞青艸潯陽江九派南

通青州洞庭湖孤城覆綠蕪南方城壁多以艸覆黃昏鐘寂寂清曉角鳴鳴春

色辭門柳秋聲到井梧殘芳悲鷓鴣音啼決見楚詞暮節感茱萸

蕊拆金英菊花飄雪片蘆波紅日斜沒沙白月平鋪幾

見林抽筍頻驚燕引雛歲華何倏忽年少不須更眇默

思千古蒼茫想八區孔窮緣底事顏夭有何辜龍智猶

經醢龜靈未免剝窮通應已定聖哲不能踰況我身謀

拙逢他厄運拘漂流隨大海鎚鍛任洪爐險阻嘗之矣

栖遲命也夫沈冥消意氣窮餓耗肌膚防瘴和殘藥迎

寒補舊襦書牀鳴蟋蟀琴匣網蜘蛛貧室如懸磬端憂

劇守株時遭人指點一作客答難數被鬼挪揄兀兀都疑夢昏

昏半似愚女驚朝不起妻怪夜長吁萬里拋一作離朋侶一作執

三年隔友于自然悲聚散不是恨榮枯去夏微之瘡今

春席八殂天涯書達否泉下哭知無去年聞元九瘡瘻書去竟未報今春聞席八歿久與

還往能無慟矣謾寫詩盈卷一作軸空盛酒滿壺只添新悵望豈復舊

歡娛壯志因愁減衰容與病俱相逢應不識滿額白髭

鬚

立名按洪氏隆興職方乘嶺南村落有市謂之虛以其不常會多虛日也西蜀曰痠言如痠疾間而後作江南惡以疾稱因止曰亥獨徐筠水志云荆吳俗以寅申己亥日集於市觀公詩用亥日甚多則徐氏之說為是

初到江州寄翰林張李杜三學士

早攀霄漢上天衢晚落風波委世途
雨露施恩無厚薄蓬蒿隨分有榮枯
傷禽側翅驚弓箭老婦低顏事舅姑
碧落三山曾識面年深記得姓名無

庾樓曉望

獨憑朱檻立凌晨山色初明水色新
竹霧曉籠銜嶺月蘋風煖送過江春
子城陰處猶殘雪衙鼓聲前未有塵
三百年來庾樓上曾經多少望鄉人

宿西林寺

木落天晴山翠開愛山騎馬入山來
心知不及柴桑令一宿西林便欲回

一作柴桑令劉遺民也

立名按侯鯖錄云近見士子多使柴桑令為陶淵明不知劉遺民曾作柴桑令也

江樓宴別

樓中別曲催離酌燈下紅裙間綠袍
縹緲楚風羅綺薄錚鏦越調管絃高
寒流帶月澄如鏡夕吹和霜利似刀
尊酒未空歡未盡舞腰歌袖莫辭勞

題山石榴花

一叢千朶壓闌干剪碎紅綃却作團
風嫋舞腰香不盡露銷妝臉淚初乾
薔薇帶刺攀應懶菡萏生泥翫亦難
爭及此花簷戶下任人採弄盡去聲人看

代春贈

山吐晴嵐水放光辛夷花白柳梢黃
但知莫作江西意風景何曾異帝鄉

答春

艸煙低重水花明從道風光似帝京其奈山猿江上叫
故鄉無此斷腸聲

櫻桃花下歎白髮

逐處花皆好隨年貌自衰紅櫻滿眼日白髮半頭時倚
樹無言久攀條欲放遲臨風兩堪歎如雪復如絲

惜落花贈崔二十四

漠漠紛紛不奈何狂風急雨兩相和晚來悵望君知否
枝上稀疎地上多

移山櫻桃

亦知官舍非吾宅且斲山櫻滿院栽上佐近來多五考
少應四度見花開

官舍閒題

職散優閒地身慵老大時送春唯有酒銷日不過棊祿
米麩牙稻園蔬鴨脚葵飽飡仍晏起餘暇弄龜兒

龜兒即小姪名

晚春登大雲寺南樓贈常禪師

花盡頭新白登樓意若何歲時春日少世界苦人多愁
醉非因酒悲吟不是歌求師治此病唯勸讀楞伽

北樓送客歸上都

憑高送遠一悽悽却下朱欄手共一作即解攜京路人歸天直
北江樓客散日平西長津欲渡迴船尾殘酒重傾簇馬
蹄不獨別君須強飲窮愁自要醉如泥

北亭招客

疎散郡丞同野客幽閒官舍抵山家春風北戶千莖竹
晚日東園一樹花小瓊吹醅嘗冷酒深爐敲火炙新茶

能來盡日宮基否太守知慵放晚衙

宿西林寺早赴東林滿上人之會因寄崔二十

二負外

謫辭魏闕鵷鸞隔老入廬山麋鹿隨薄暮蕭條投寺宿
凌晨清淨與僧期雙林我起聞鐘後隻日君趨入閣時
鵬鷄高低分皆定莫勞心力遠相思

遊寶稱寺

竹寺初晴日花塘欲晚一作曉春
楚猿疑弄客山鳥似呼人
酒嫩傾金液茶新碾玉塵可憐幽靜地堪寄老慵身

早春聞提壺鳥因題鄰家

厭聽秋猿催下淚喜聞春鳥勸提壺誰家紅樹先花發
何處青樓有酒沽進士麤豪尋靜盡拾遺風彩近都無

欲期明日東鄰醉變作騰騰一俗夫

見紫薇花憶微之

一叢暗澹將何比淺碧籠裙襯紫巾除却微之見應愛
人間少有別花人

薔薇花一叢獨死不知其故因有是篇

柯條未嘗損根發不曾移同類今齊茂孤芳忽獨萎仍
憐委地日正是帶花時碎碧初凋葉焦紅尚戀枝乾坤
無厚薄草木自榮衰欲問因何事春風亦不知

湖亭望水

久雨南湖漲新晴北客過日沉紅有影風定綠無波
没問闔少灘平船舫多可憐心賞處其奈獨遊何

閒遊

外事因慵廢中懷與靜期尋泉上山遠看筍出林遲白石磨樵斧青竿理釣絲澄清深淺好最愛夕陽時

憶微之傷仲遠

李三仲遠去年春喪

幽獨辭群久漂流去國賒只將琴作伴唯以酒為家感逝因看水傷離為見花李三埋地底元九謫天涯舉眼青雲遠回頭白日斜可能勝賈誼猶自滯長沙

過鄭處士

聞道移居村塢間竹林多處獨開關故來不是求他事暫借南亭一望山

霖雨苦多江湖暴漲塊然獨望因題北亭

自作潯陽客無如苦雨何陰昏晴日少閒悶睡時多湖闊將天合雲低與水和籬根舟子語巷口釣人歌霧鳥

沉黃氣風帆蹙白波門前車馬道一宿變江河

春末夏初閒遊江郭二首

閒出乘輕屐徐行蹋軟沙觀魚傍湓浦看竹入楊家

湓浦

多魚浦西有楊侍郎宅多好竹

林迸穿籬筍藤飄落水花雨埋釣舟小風颺

酒旗斜嫩剝青菱角濃煎白茗芽淹留不知夕城樹欲栖鷗

柳影繁初合鶯聲澀漸稀早梅迎夏結殘絮送春飛西日韶光盡南風暑氣微展張新小簟熨帖舊生衣綠蟻杯香嫩紅絲鱠縷肥故園無此味何必苦思歸

紅藤杖

杖出南蠻

南詔紅藤杖西江白首人時時攜步月處處把尋春勁健孤莖直疎圓六節勻火山生處遠瀘水洗來新粗細

纔盈手高低僅過身天邊望鄉客何日拄歸秦

風雨中尋李十一因題船上

匹馬來郊外扁舟在水濱可憐衝雨客來訪阻風人小
榼沽清醕行厨煮白鱗停杯看柳色各憶故園春

題廬山山下湯泉

一眼湯泉流向東浸泥澆艸煖無功驪山溫水因何事
流入金鋪玉甃中

寄蘄州簞與元九因題六韻

時元九
鰥居

笛竹出蘄春霜刀劈翠筠織成雙鎖簞寄與獨眠人卷
作筒中信舒為席上珍滑如鋪薤葉冷似臥龍鱗清潤
宜乘露鮮華不受塵通州炎瘴地此物最關身

秋熱

西江風候接南威暑氣常多秋氣微猶道江州最涼冷
至今九月著生衣

題元八溪居

溪風漠漠樹重重水檻山窗次第逢晚葉尚開紅躑躅
秋房初結白芙蓉聲來枕上千年鶴影落杯中五老峰
更媿殷勤留客意魚鮮飯細酒香濃

晚出西郊

散吏閒如客貧州冷似村早涼湖北岸殘照郭西門嬾
鑷從鬚白休治平聲一
作醫任眼昏老來何所用少興不多言

階下蓮

葉展影翻當砌月花開香散入簾風不如種在天池上
猶勝生於堦水中

端居詠懷

賈生俟罪心相似張翰思歸事不如斜日早知驚鵬鳥
秋風悔不憶鱸魚胸襟曾貯匡時策懷袖猶殘諫獵書
從此萬緣都擺落欲攜妻子買山居

夜宿江浦聞元八改官因寄此什

君遊丹陛已三遷我汎滄浪欲二年劒珮曉趨雙鳳闕
煙波夜宿一漁船交親盡在青雲上鄉國遙拋白日邊
若報生涯應笑殺結茅栽芋種畝田

立名按元八即元宗簡也英華作元九是誤以為微之耳公佐江州元九
方在通州及移虢州與白公忠州同除安得所謂劒珮曉趨雙鳳闕耶

百花亭

朱檻在空虛涼風八月初山形如峴首江色似桐廬佛
寺乘船入人家枕水居高亭仍有月今夜宿何如

江樓早秋

南國雖多熱秋來亦不遲湖光朝霽後竹氣晚涼時樓
閣宜佳客江山入好詩清風水蘋葉白露木蘭枝欲作
雲泉計須營伏臘資匡廬一步地官滿更何之

送客之湖南

年年漸見南方物事事堪傷北客情山鬼趨跳唯一足
峽猿哀怨過三聲帆開青艸湖中去衣濕黃梅雨裏行
別後雙魚難定寄近來潮不到湓城

百花亭晚望夜歸

百花亭上晚徘徊雲景陰晴掩復開日色悠揚映山盡
雨聲蕭颯渡江來鬢毛遇病雙如雪心緒逢秋一似灰
向夜欲歸愁未了滿湖明月小船迴

西樓

小郡大江邊危樓夕照前青蕪卑濕地白露沓寥天鄉國此時阻家書何處傳仍聞陳蔡戍轉戰已三年

尋李道士山居兼呈元明府

盡日行還歇遲遲獨上山攀藤老筋力照水病容顏陶巷招居住茅家許往還飽諳榮辱事無意戀人間

四十五

行年四十五兩鬢半蒼蒼清瘦詩成癖粗豪酒放狂老來尤委命安處即為鄉或擬廬山下來春結艸堂

寄李相公崔侍郎錢舍人

曾陪鶴馭兩三仙親侍龍輿四五年天上歡娛春有限世間漂泊海無邊榮枯事過都成夢憂喜情忘便是禪

官滿更歸何處去香爐峰在宅門前

廳前桂

天台嶺上凌霜樹司馬廳前委地叢一種不生明月裏山中猶校勝塵中

尋王道士藥堂因有題贈

行行覓路緣松嶠步步尋花到杏壇白石先生小有洞黃芽姪女大還丹常悲東郭千家冢欲乞西山五色丸但恐長生須有籍仙臺試為檢名看

南浦歲暮對酒送王十五歸京

臘後冰生覆溢水夜來雲闇失廬山風飄細雪落如米索索蕭蕭蘆葦間此地二年留我住今朝一酌送君還相看漸老無過醉聚散窮通總是閒

除夜

薄晚支頤坐中宵枕臂眠一從身去國再見日周天老
度江南歲春拋渭北田潯陽來早晚明日是三年

聞李十一出牧澧州崔二十二出牧果州因寄

絕句

平生相見即眉開靜念無如李與崔各是天涯為刺史
緣何不覓九江來

元和十二年

按淮西平于十二年十月時本作十三年誤

淮寇未平詔停歲

仗憤然有感率爾成章

聞停歲仗軫皇情應為淮西寇未平不分氣從歌裏發
無明心向酒中生愚計忽思飛短檄狂心便欲請長纓
從來妄動多如此自笑何曾得事成

庾樓新歲

歲時銷旅貌風景觸鄉愁牢落江湖意新年上庾樓

上香爐峰

倚石攀蘿歇病身青筇竹杖白紗巾他時画出廬山障
便是香爐峰上人

憶微之

與君何日出屯蒙魚戀江湖鳥厭籠分手各拋滄海畔
折腰俱老綠衫中三年隔闊音塵斷兩地飄零氣味同
又被新年勸相憶柳條黃軟欲春風

雨夜贈元十八

卑濕沙頭宅連陰雨夜天共聽簷溜滴心事兩悠然把
酒循環飲移牀曲尺眠莫言非故舊相識已三年

寒食江畔

艸香沙暖水雲晴風景令人憶帝京還似往年春氣味
不宜今日病心情聞鶯樹下沈吟立信馬江頭取次行
忽見紫桐花悵望下邳明日是清明

三月三日登庾樓寄庾三十二

三日歡遊辭曲水二年愁臥在長沙每登高處長相憶
何況茲樓屬庾家

聞李六景儉自河東令授唐鄧行軍司馬以詩
賀之

誰能淮上靜風波聞道河東應此科不獨文詞供奉記
定將談笑解兵戈泥埋劒戟終難久水借蛟龍可在多
四十著緋軍司馬男兒官職未蹉跎

石楠樹

可怜顏色好陰涼葉剪紅牋花撲霜繖蓋低垂金翡翠
薰籠亂搭繡衣裳春芽細炷千燈燄夏蕊濃焚百和香
見說上林無此樹只教桃柳占年芳

柳一作李

大林寺桃花

人間四月芳菲盡山寺桃花始盛開長恨春歸無覓處
不知轉入此中來

附遊大林寺序余與河南元集虛范陽張允中南陽張深之廣平
宋郁安定梁必復范陽張時東林寺沙門法演智滿士堅利辨道
建神照雲皋息慈寂然凡十七人自遺愛州堂歷東西二林抵化
城憩峰頂登香爐峰宿大林寺大林窮遠人迹罕到環寺多清流
蒼石短松瘦竹寺中唯板屋木器其僧皆海東人山高地深時節
絕晚於時孟夏月如正二月天黎桃始華澗州猶短人物風候與
平地聚落不同初到恍然若別造一世界者因口號絕句既而周
覽屋壁見蕭郎中存魏郎中弘簡李補闕渤三人姓名詩句因與
集虛輩歎且曰此地實匡廬間第一境由驛路至山門曾無半日
程自蕭魏李遊迨今垂二十年寂寥無繼來者嗟乎名利之誘人

也如此時元和十二年四月九日樂天記

詠懷

自從委順任浮沉漸覺一作學年多功用深面上滅除憂喜色胸中消盡是非心妻兒不問唯耽酒冠帶皆慵只抱琴長笑靈均不知命江籬叢畔苦悲吟

早發楚城驛

過雨塵埃滅汭江道徑平月乘殘夜出人趁早涼行寂歷閒唵動冥濛暗思生荷塘翻露氣稻壟瀉泉聲宿犬聞鈴起栖禽見火驚隴隴煙樹色十里始天明

立名按太平寰宇記貞觀八年廢楚城縣歸潯陽詳其地即舊屬柴桑又云按匱經晉建興元年始立郡領潯陽柴桑彭澤上甲九江等五縣則潯陽柴桑各有其地自後併潯陽入柴桑後廢柴桑為潯陽於是潯陽柴桑合一縣而名異

箬峴東池

箬峴亭東有小池早荷新荇綠參差中宵把火行人發驚起雙棲白鷺鷺

建昌江

建昌江水縣門前立馬教人喚渡船忽似往年歸蔡渡艸風沙雨渭河邊

哭從弟

傷心一尉便終身叔母年高新婦貧一片綠衫消不得腰金拖紫是何人

香爐峰下新卜山居艸堂初成偶題東壁

五架三間新艸堂石堦桂柱竹編牆南簷納日冬天煖北戶迎風夏月涼灑砌飛泉纔有點拂窗斜竹不成行來春更葺東廂屋紙閣蘆簾著孟光

重題

喜入山林初息影，厭趨朝市久勞生。早年薄有煙霞志，歲晚深諳世俗情。已許虎溪雲裏臥，不爭龍尾道前行。從茲耳界應清淨，免見啾啾毀譽聲。

長松樹下小谿頭，斑鹿胎中白布裘。藥圃茶園為產業，野麋林鶴是交遊。雲生澗戶衣裳潤，嵐隱山厨火燭幽。最愛一泉新引得，清泠屈曲遶階流。

日高睡足猶慵起，小閣重衾不怕寒。遺愛寺泉一作鐘欹枕

聽香爐峰雪撥簾，看匡廬便是逃名地。司馬仍為送老官，心泰身寧是歸處。故鄉可獨在長安。

宦途自此心長別，世事從今口不言。豈止形骸同土木，兼將壽夭任乾坤。胸中壯氣猶須遣，身外浮雲一作榮何足

論還有一條遺恨事，高家門館未酬恩。

山中問月

為問長安月，誰教不相思必切離。昔隨飛蓋處，今照入山時。借助秋懷曠，留連夜臥遲。如歸舊鄉國，似對好親知。松下行為伴，谿頭坐有期。千巖將萬壑，無處不相隨。

立名按老學菴筆記世多言樂天用相字多從俗語作思必切如為問長安月如何不相離是也然北人大抵以相字作入聲至今猶然不獨樂天老杜云恰是春風相欺得夜來吹折數枝花亦從俗聲讀乃不失律俗謂南人入京師效北語過相監輒讀其勝曰大廡國寺傳以為笑

正月十五日夜東林寺學禪偶懷藍田楊主簿

因呈智禪師

新年三五東林夕，星漢迢迢鍾梵遲。花縣當君行樂夜，松房是我坐禪時。忽看月滿還相憶，始歎春來自不知。不覺定中微念起，明朝更問鴈門師。

臨水坐

昔為東掖垣中客今作西方社內人
手把楊枝臨水坐閒思往事似前身

山居

山齋方獨往塵事莫相仍
藍昇辭鞍馬緇徒換友朋
朝餐唯藥菜夜伴只紗燈
除却青衫在其餘便是僧

遺愛寺

弄石臨溪坐尋花遶寺行
時時聞鳥語處處是泉聲

山中與元九書因題書後

附與微之書四月十日夜樂天白微之微之不見足下面已三年矣不得足下書欲二年矣人生幾何離闊如此况以膠漆之心置於胡越之身進不得相合退不得相忘牽攀乖隔各欲白首微之微之如何如何天實為之謂之奈何僕初到潯陽時有熊孺登來得足下前年病甚時一札上報疾狀次序病心終論平生交分且云危懼之際不暇及他唯收數帙文章封題其上曰他日送達白

二十二郎便請以代書悲哉微之於我也其若是乎又睹所寄聞僕左降詩云殘燈無焰影憧憧此夕聞君謫九江垂死病中驚起坐暗風吹雨入寒窗此句他人尚不可聞况僕心哉至今每吟猶惻惻耳且置是事略敘近懷僕自到九江已涉三載形骸且健方寸甚安下至家人幸皆無恙長兄去夏自徐州至又有諸院孤小弟妹六七人提挈同來頃所牽念者今悉置在目前得同寒暖飢飽此一秦也江州風候稍涼地少瘴癘乃至蛇虺蚊蚋雖有甚稀湓魚頗肥江酒極美其餘食物多類北地僕門內之口雖不少司馬之俸雖不多量入儉用亦可自給身衣口食且免求人此二秦也僕去年秋始遊廬山到東西二林間香爐峰下見雲水泉石勝絕第一愛不能捨因置艸堂前有喬松十數株修竹千餘竿青蘿為牆垣白石為橋道流水周於舍下飛泉落於簷間紅榴白蓮羅生池砌大抵若不能殫記每一獨往動彌旬日平生所好者盡在其中不唯忘歸可以終老此三秦也計足下久不得僕書必加憂望今故錄三秦以先奉報其餘事况條寫如後云云微之微之作此書夜正在艸堂中山窗下信手把筆隨意亂書封題之時不覺欲曙舉頭但見山僧一兩人或坐或睡又聞山猿谷鳥哀鳴啾啾平生故人去我萬里惺然塵念此際甦生餘習所牽便成三韻云微之微之此夕我心君知之乎樂天頓首

憶昔封書與君夜金鑾殿後欲明天
今夜封書在何處廬山菴裏曉燈前
籠鳥檻猿俱未死人間相見是何年

立名按此詩乃七言小律也軍文類聚白氏金針有扇對謂第一句對第三句二句對四句也梅聖俞作續金針引詩云昔時花下留連飲暖日天桃鶯亂吟今日江邊容易別淡煙

黃石巖下作

久別鷓鴣侶深隨鳥獸羣教他遠親故何處覓知聞昔日青雲意今移向白雲

戲贈李十三判官

垂鞭相送醉醺醺遙見廬山指似君想君初覺從軍樂未愛香鑪峰上雲

醉中戲贈鄭使君

時使君先歸留妓樂重飲

密座移紅毯酡顏照綠杯雙娥留且住五馬任先迴醉耳歌催醒愁眉笑引開平生少年興臨老斲重來

江亭夕望

憑高望遠思悠哉晚上江亭夜未迴日欲沒時紅浪沸月初生處白煙開辭枝雪蕊將春去滿鑷霜毛送老來爭敢三年作歸計心知不及賈生才

酬元負外三月三十日慈恩寺相憶見寄

悵望慈恩三月盡紫桐花落鳥關關誠知曲水春相憶其奈長沙老未還赤嶺猿聲催白首黃茅瘴色換朱顏誰言南國無霜雪盡在愁人鬢髮間

中秋月

英華作秋月

萬里清光不可思添愁益一作足恨遶天涯誰人隴外久征戍何處庭前新別離失寵故姬歸院夜沒蕃老將上樓時照他幾許人腸斷玉兔銀蟾遠不知

謝李六郎中寄新蜀茶

四馬西
白香山詩長慶集卷十一
故情周市向交親新茗分張及病身紅紙一封書後信
綠芽十片火前春湯添勺水煎魚眼未下刀圭攪麴塵
不寄他人先寄我應緣我是別茶人

立名按(遜叟)云火前寒食禁火之前也今世俗多用穀兩前茶稱
為兩前(學林新編)茶之佳者造在社前其次火前其下則兩前

攜諸山客同上香爐峰遇雨而還沾濡狼籍互
相笑謔題此解嘲

蕭灑登山去龍鍾遇雨回磴危攀薜荔石滑踐莓苔襪
汙君相諱鞵穿我自哈莫欺泥土脚曾蹋玉階來

彭蠡湖晚歸

彭蠡湖天晚桃花水氣春鳥飛千白點日沒半紅輪何
必為遷客無勞是病身但來臨此望少有不愁人

酬贈李鍊師見招

幾年司諫直承明今日求真禮上清曾犯龍鱗容不死
欲騎鶴背覓長生劉綱有婦仙同得伯道無兒累更輕
若許移家相近住便驅雞犬上層城

西河雨夜送客

雲黑雨脩脩江昏水暗流有風催解纜無月伴登樓酒
罷無多興帆開不少留唯看一點火遙認是行舟

登西樓憶行簡

每因樓上西南望始覺人間道路長礙日暮山青簇簇
浸天秋水白茫茫風波不見三年面書信難傳萬里腸
早晚東歸來下峽穩乘船舫過瞿唐

羅子

有女名羅子生來纔兩春我今年已長日夜二毛新顧

念嬌啼面思量老病身直應頭似雪始得見成人

讀僧靈徹詩

東林寺裏西廊下石片鐫題數首詩言句怪來還校別
看名知是老湯師

聽李士良琵琶人各賦二
十八字

聲似胡兒彈舌語愁如塞月恨邊雲閒人慙聽猶眉斂
可使和蕃公主聞

昭君怨

明妃風貌最娉婷合在椒房應四星只得當年備宮掖
何曾專夜奉幃屏見疎從道迷圖画知屈那教配虜庭
自是君恩薄如紙一作命卑
如紙薄不須一向恨丹青

閒吟

自從苦學空門法銷盡平生種種心唯有詩魔降未得
每逢風月一閒吟

戲問山石榴

小樹山榴近砌栽半含紅萼帶花來爭知司馬夫人妬
移到庭前便不開

編集拙詩成一十五卷因題卷末戲贈元九李

二十

一篇長恨有風情十首秦吟近正聲每被老元偷格律

元九向江陵日嘗以拙
詩一軸贈行自後格變苦教短李伏歌行李二十常自負歌行近見
予樂府五十首默然心伏世

間富貴應無分身後文章合有名莫怪氣粗言語大新
排十五卷詩成

湖上閒望

二子妙又
白香山詩長慶集卷第十七
藤花浪拂一作沸紫茸條菰葉風翻綠剪刀間弄水芳生楚
思時時合眼詠離騷

白香山詩長慶集卷第十六

白香山詩長慶集卷第十七

律詩

五言七言自兩韻至五十韻凡一百首

江南謫居十韻

自哂沈冥客曾為獻納臣壯心徒許國薄命不如人纔
展凌雲翅俄成失水鱗葵枯猶向日蓬斷欲一作辭春澤
畔長愁地天邊欲老身蕭條殘活計冷落舊交親草合
門無徑煙銷甑有塵憂方知酒聖貧始覺錢神虎尾難
容足羊腸易覆輪行藏與通塞一切任陶鈞

江樓夜吟元九律詩成三十韻

昨夜江樓上吟君數十篇詞飄朱檻底韻墮淶江前清
楚音諧律精微思入玄收將白雪麗奪盡碧雲妍寸截
金為句雙雕玉作聯八風淒間發五彩爛相宣冰扣聲

聲冷珠排字字圓文頭交比繡筋骨軟於綿湏湧同波
 浪錚鏦過管絃醴泉流出地鈞樂下從天神鬼聞如泣
 魚龍聽似禪星迴疑聚集月落為雷連鴈感無鳴者猿
 愁亦悄然交流遷客淚停住賈人船閣被歌姬乞潛聞
 思婦傳斜行題粉壁短卷寫紅箋肉味經時忘頭風當
 日痊老張知定伏短李愛應顛張十八指李二十
紳皆攻律詩故云道屈才方振
 身閒業始專天教聲烜赫理合命迤邐顧我文章劣知
 他氣力全功夫雖共到巧拙尚相懸各有詩千首俱拋
 海一邊白頭吟處變青眼望中穿酬答朝妨食披尋夜
 廢眠老償文債負宿結字因緣每歎陳夫子陳子昂著感
興詩稱於世常
 嗟李謫仙賀知章謂李
白為謫仙名高折人爵思苦減天年陳竟無官
李亦早天不
 得當時遇空令後代憐相悲今若此湓浦與通川

潯陽歲晚寄元八郎中庾三十二員外

閱水年將暮燒金道未成丹砂不肯死白髮自須生病
 肺慙杯滿衰顏忌鏡明春深舊鄉夢歲晚故交情一別
 浮雲散雙瞻列宿榮螭頭階下立龍尾道前行封事頻
 聞奏除書數見名虛懷事僚友平步取公卿漏盡雞人
 報朝回幼女迎可憐白司馬老大在湓城

元九以綠絲布白輕容見寄製成衣服以詩報
 知

綠絲文布素輕容珍重京華手自封貧友遠勞君寄附
 病妻親為我裁縫袴花白似秋雲薄衫色青於春草濃
 欲著却休知不稱折腰無復舊形容

立名按齊東野語元微之寄白輕容樂天製而為衣而詩中容字乃為流俗妄改
為庸又作繡容蓋不知其所出也唐類苑輕容無花薄紗也王建宮詞嫌羅不

著愛輕容周賀詩蜀煙飛重錦峽雨潤輕容按容字之改蓋以末句有容字耳不知唐人用字異義不嫌重押也

清明日送韋侍御貶虔州

寂莫清明日蕭條司馬家
雷錫和冷粥出火煮新茶
欲別能無酒相畱亦有花
南遷更何處此地已天涯

九江春望

淼茫積水非吾土飄泊浮萍是我身
身外信緣為活計眼前隨事覓交親
爐煙豈異終南色湓草寧殊渭北春
此地何妨便終老匹如元是九江人

香爐峰上多煙湓水岸足寄草因而記之

立名按韻語陽秋云樂天鑪煙湓草二句蓋不忘祭渡舊居也老杜偶題云故山迷白閣秋水憶黃陂不忘秦中舊居也東坡橫翠閣詩已見西湖懷濯錦更

看橫翠隱峨眉亦此意

晚題東林寺雙池

向晚雙池好初晴百物新
裊枝翻翠羽濺水躍紅鱗
萍

泛同遊子蓮開當麗人
臨流一惆悵還憶曲江春

贈內子

白髮方興歎青蛾亦伴愁
寒衣補燈下小女戲牀頭
閨澹屏幃故淒涼枕席秋
貧中有等級猶勝嫁黔婁

送客春遊嶺南二十韻

因序嶺南方物以論之并擬微之送崔二十二之作

已訝遊何遠仍嗟別太頻
離容君感促贈語我殷勤
迢遞天南面蒼茫海北濬
訶陵國分界交趾郡為鄰
鬱鬱三光晦溫暾四氣勻
陰晴變寒暑昏曉錯星辰
瘴地難為老蠻陬不易馴
土民稀白首洞主盡黃巾
戰艦猶驚浪戎軍未息塵
時黃家賊方動紅旗圍卉服
紫綬裹文身麪苦枕榔裛
酸橄欖新牙檣迎海船
銅鼓賽江神不凍貪泉暖
無霜毒草春雲煙蟒蛇氣
刀劍鱷魚鱗路足羈棲客

官多謫逐臣天黃生颺母颺母如斷虹雨黑長楓人楓人因夜雷

迴使先傳語征軒早返輪須防杯裏蠱南方蠱毒莫愛索多置酒中

中珍北與南殊俗身將貨孰親嘗聞君子誠憂道不憂

貧

立名按輟耕錄南人方言曰温暾者得懷暖也王建宮詞新晴草色暖温暾瀛李律
隨大抵中唐人多善言風土如西北風沙酪漿醴醢之區東南水國蠻島彝洞之外
無不曲盡其妙樂天送人遊嶺
南詩亦可謂曲盡南中之俗矣

自題

功名宿昔人多許寵辱斯須自不知一旦失恩先左降
三年隨例未量移馬頭覓角生何日石火敲光住幾時
前事是身俱若此空門不去欲何之

自悲

火宅煎熬地霜松摧折身因知羣動內易死不過人

尋郭道士不遇

郡中乞假來相訪洞裏朝元去不逢看院祇畱雙白鶴
入門唯見一青松藥爐有火丹應伏雲碓無人水自春

廬山中雲母多故以水
碓搗練俗呼為雲碓欲問叅同契中事更期何日得從容

潯陽春三首

元和十
二年作

春生

春生何處闍周遊海角天涯徧始休先遣和風報消息
續教啼鳥說來由展張草色長河畔點綴花房小樹頭
若到故園應覓我為傳淪落在江州

春來

春來觸動故鄉情忽見風光憶兩京金谷躡花香騎入
曲江碾草鈿車行誰家綠酒歡連夜何處紅樓睡失明

獨有不眠不醉客經春冷坐古湓城

春去

一從澤畔為遷客兩度江頭送暮春白髮更添今日鬢
青衫不改去年身百川未有回流水一老終無却少人
四十六時三月盡送春爭得不殷勤

夢微之

十二年八月二十日夜

晨起臨風一惆悵通川湓水斷相聞不知憶我因何事
昨夜三更夢見君

贈韋鍊師

潯陽遷客為居士身似浮雲心似灰上界女仙無嗜慾
何因相顧兩徘徊共疑過去人間世曾作誰家夫婦來
問劉十九

綠螿新醅酒紅泥小火爐晚來天欲雪能飲一杯無

得行簡書聞欲下峽先以此寄

朝來又得東川信欲取春初發梓州書報九江聞慙喜
路經三峽想還愁瀟湘瘴霧加餐飯濫潁驚波穩泊舟
欲寄兩行迎爾淚長江不肯向西流

南湖早春

風迴雲斷雨初晴返照湖邊暖復明亂點碎紅山杏發
平鋪新綠水蘋生翅低白鴈飛仍重舌澀黃鸝語未成
不道江南春不好年年衰病減心情

元十八從事南海欲出廬山臨別舊居有戀泉
聲之什因以投和兼伸別情

賢侯辟士禮從容莫戀泉聲問所從雨露初承黃紙詔

煙霞欲別紫霄峰傷弓未息新驚鳥得水難留久臥龍
我正退藏君變化一杯可易得相逢

題韋家泉池

泉落青山出白雲縈邨繞郭幾家分自從引作池中水
深淺方圓一任君

醉中對紅葉

臨風杪秋樹對酒長年人醉貌如霜葉雖紅不是春

遣懷

羲和走馭趁年光不許人間日月長遂使四時都似電
爭教兩鬢不成霜榮銷枯去無非命壯盡衰來亦是常
已共身心要約定窮通生死不驚忙

點額魚

龍門點額意何如紅尾青鬚却返初見說在天行雨苦
爲龍未必勝爲魚

聞龜兒詠詩

憐渠已解詠詩章搖膝支頤學二郎莫學二郎吟太苦
纔年四十鬢如霜

對酒

未濟卦中休卜命叅同契裏莫勞心無如飲此銷愁物
一餉愁消直萬金

東牆夜合樹去秋爲風雨所摧今年花時悵然
有感

碧萸紅縷今何在風雨飄將去不回惆悵去年牆下地
今春唯有薺花開

病起

病不出門無限時今朝強出與誰期
經年不上江樓醉勞動春風颺酒旗

夢亡友劉太白同遊彰敬寺

三千里外臥江州十五年前哭老劉
昨夜夢中彰敬寺死生魂魄暫同遊

與果上人歿時題此設別兼簡二林僧社

本願一作願結菩提香火社為嫌煩惱電泡身
不須惆悵從師去先請西方作主人

贈寫真者

子騁丹青日子當醜老時無勞役神思更畫病容儀
迥麒麟閣圖功未有期區區尺素上焉用寫真為

劉十九同宿

時淮寇初破

紅旗破賊非吾事黃紙除書無我名
唯共嵩陽劉處士圍碁賭酒到天明

十二年冬江西溫暖喜元八寄金石稜一作凌到因

題此詩

今冬臘候不嚴凝暖霧溫風氣上騰
山脚嶮中纔有雪江流慢處亦無冰
欲將何藥防春瘴只有元家金石稜

閒意

不爭榮耀任沈淪日與時疏共道親
北省朋僚音信斷東林長老往還頻
病停夜食閒如社慵擁朝裘暖似春
漸老漸諳閒氣味終身不擬作忙人

送友人上峽赴東川辟命

見說瞿塘峽斜銜一作橫濫灑根難於尋鳥道險過上龍門
羊角風頭急桃花水色渾山迴若鼇轉舟入似鯨吞岸
合愁天斷波跳恐地翻憐君經此去為感主人恩

夜送孟司功

潯陽白司馬夜送孟功曹江閣管絃急樓明燈火高湖
波翻似箭霜草殺如刀且莫開征棹陰風正怒號

衰病

老辭遊冶尋花伴病別荒狂舊酒徒更恐五年三歲後
此些談笑亦應無

題詩屏風絕句并序

十二年冬微之猶滯通州予亦未離湓上相去萬里
不見三年鬱鬱相念多以吟詠自解前後辱微之寄

示之什殆數百篇雖藏篋中永以為好不若置之座
右如見所思絲是掇律句中短小麗絕者凡一百首
題錄合為一屏風舉目會心叅若其人在於前矣前
輩作事多出偶然則安知此屏不為好事者所傳異
日作九江一故事爾因題絕句聊以獎之
相憶采君詩作障自書自勘不辭勞障成定被人爭寫
從此南中紙價高

答微之

微之於閩州西寺手題予詩予又以微之百篇題此屏上各以絕句相報答

君寫我詩盈寺壁我題君句滿屏風與君相遇知何處
兩葉浮萍大海中

偶宴有懷

遇興尋文客因歡命酒徒春遊憶親故夜會似京都詩

思閒仍在鄉愁醉斲無狂來欲起舞慙見白髭鬚

山中酬江州崔使君見寄

眷眄情無限優容禮有餘三年為郡吏一半許山居酒
熱心相待詩來手自書庾樓春好醉明日且回車

山枇杷

深山老去惜年華況對東溪野枇杷火樹風來翻絳燄
瓊枝日出曬紅紗回看桃李都無色映得芙蓉不是花
爭柰結根深石底無因移得到人家

聞李尚書拜相因以長句寄賀微之

憐君不久在通川知己新提造化權夔高定求才濟世
張雷應辨氣衝天那知淪落天涯日正是陶鈞海內年
肯向泥中拋折劔不收重鑄作龍泉

歲暮

窮陰急景坐相催壯齒韶顏去不回舊病重因年老發
新愁多是夜長來膏明自爇緣多事鴈默先烹為不才
禍福細尋無會處不如且進手中杯

雨中赴劉十九二林之期及到寺劉已先去因以四韻寄之

雲中臺殿泥中路既阻同遊嬾却還將謂獨愁猶對雨
不知多興已尋山纔應行到千峰裏只校來遲半日間
最惜杜鵑花爛熳春風吹盡不同攀

薔薇正開春酒初熟因招劉十九張大夫崔二十四同飲

甕頭竹葉經春熟階底薔薇入夏開似火淺深紅壓架

如錫氣味綠粘臺試將詩句相招去倘有風情或可來
明日早花應更好心期同醉卯時杯

李白墓

采石江邊李白墳繞田無限草連雲可憐荒壠窮泉骨
曾有驚天動地文但是詩人多薄命就中淪落不過君

對酒

漫把參同契難燒伏火砂有時成白首無處問黃芽幻
世如泡影浮生抵眼花唯將綠醅酒且替紫河車

戲答諸少年

顧我長年頭似雪饒君壯歲氣如雲朱顏今日雖欺我
白髮他時不放君

風雨晚泊

苦竹林邊蘆葦叢停舟一望思無窮青苔撲地連春雨
白浪掀天盡日風忽忽百年行欲半茫茫萬事坐成空
此生飄蕩何時定一縷鴻毛天地中

題崔使君新樓

憂人何處可銷憂碧甃紅闌溢水頭從此潯陽風月夜
崔公樓替庾公樓

山中戲問韋侍御

我抱棲雲志君懷濟世才常吟反招隱那得入山來

贈曇禪師

夢中作

五年不入慈恩寺今日尋師始一來欲知火宅焚燒苦
方寸如今化作灰

寄微之

帝城行樂日紛紛天畔窮愁我與君秦女笑歌春不見
巴猿啼哭夜嘗聞何處琵琶絃似語誰家鳥墮髻如雲
人生多少歡娛事那獨千分無一分

醉吟二首

空王百法學未得姹女丹砂燒即飛事事無成身老也
醉鄉不去欲何歸

兩鬢千莖新似雪十分一殘欲如泥酒狂又引詩魔發
日午悲吟到日西

曉寢

轉枕重安寢回頭一欠伸紙窗明覺曉布被煖知春莫
強踈慵性須安老大身雞鳴猶獨睡不博早朝人

答元八郎中楊十二博士

身覺一作學浮雲無所著心同止水有何情但知瀟灑踈朝
市不要崎嶇隱姓名盡日觀魚臨澗坐有時隨鹿上山
行誰能拋得人間事來共騰騰過此生

湖亭與行簡宿

潯陽少有風情客招宿湖亭盡却回水檻虛涼風月好
夜深唯共阿伶來

按阿伶行簡小字也

八月十五日夜湓亭望月

昔年八月十五夜曲江池畔杏園邊今年八月十五夜
湓浦沙頭水館前西北望鄉何處是東南見月幾回圓
臨風一歎無人會今夜清光似往年

贈江客

江柳影寒新雨地塞鴻聲急欲霜天愁君獨向沙頭宿

三百九十五
水繞蘆花月滿船

殘暑招客

雲截山腰斷風驅雨脚回
早陰江上散殘暑日中來却
取生衣著重拈小簟開誰能
淘晚熱閒飲兩三杯

潯陽秋懷贈許明府

霜紅二林葉風白九江波
暝色投煙鳥秋聲帶雨荷
馬閒無處出門冷少人過
鹵莽還鄉夢依稀望闕歌
共思除醉外無計柰愁何
試問陶家酒新篔得幾多

九日醉吟

有恨頭還白無情菊自黃
一為州司馬三見歲重陽
劍匣塵埃滿籠禽日月長
身從漁父笑門任雀羅張
問疾因畱客聽吟偶置觴
歎時論倚伏懷舊數存亡
柰老應

無計治愁或有方無過學王績
唯以醉為鄉

立名按老學菴筆記白詩四十著緝軍司馬及一為州司馬此音司字作
入聲讀又芥隱筆談白詩燕姬酌蒲桃金屑琵琶槽蒲琵琶字皆從仄聲

問韋山人山甫

身名身事兩蹉跎試就先生問
若何從此神仙學得否
白鬚雖有未為多

送蕭鍊師步虛詞十首卷後以二絕繼之

欲上瀛洲臨別時贈君十首步虛詞
天仙若愛應相問
向道江州司馬詩
花紙瑤緘松墨字把將天上共誰開
試呈王母如堪唱
發遣雙成更取來

贈李兵馬使

身得貳師餘氣槩家藏都尉舊詩章
江南別有樓船將

燕頷虬鬚不姓楊

題遺愛寺前溪松

偃亞長松樹侵臨小石溪靜將流水對高共遠峰齊翠
蓋煙籠密花幢雪壓低與僧清影坐借鶴穩枝棲筆寫
形難似琴偷韻易迷暑天風槭槭一作瑟瑟晴夜露淒淒獨憩
依為舍閒行繞作蹊棟梁君莫采畱著伴幽棲

廬山草堂夜雨獨宿寄牛二李七庾三十二員

外

丹霄攜手三君子白髮垂頭一病翁蘭省花時錦帳下
廬山雨夜草菴中終身膠漆心應在半路雲泥迹不同
唯有無生三昧觀榮枯一照兩成空

聞楊十二新拜省郎遙以詩賀

文昌新入有光輝紫界宮牆白粉闈曉日雞人傳漏箭
春風侍女護朝衣雪飄歌句高難和鶴拂煙霄老慣飛
官職聲名俱入手近來詩客似君稀

名今故云
俱入手

頃曾有贈楊詩落句云不用
更教詩過好折君官職是詩

三月三日懷微之

良時光景長虛擲壯歲風情已闕銷忽憶同為校書日
每年同醉是今朝

贈韋八

辭君歲久見君初白髮驚嗟兩有餘容鬢別來今至此
心情料取合何如曾同曲水花亭醉亦共華陽竹院居
豈料天南相見夜哀猿瘴霧宿匡廬

春江閒步贈張山人

白香山言長慶集卷十七
江景又妍和牽愁發浩歌晴沙金屑色春水麴塵波紅
簇交枝杏青含卷葉荷藉莎憐軟暖憩樹愛婆娑書信
朝賢斷知音野老多相逢不閒語爭柰日長何

春聽琵琶兼簡長孫司戶

四絃不似琵琶聲亂寫真珠細撼鈴指底商風悲颯颯
舌頭胡語苦醒醒如言都尉思京國似訴明妃厭虜庭
遷客共君相勸諫春腸易斷不須聽

吳宮詞

一入吳王殿無人覩翠蛾樓高時見舞宮靜夜聞歌半
露胷如雪斜迴臉似波妍媸各有分誰敢妒恩多

送韋侍御量移金州司馬

時子官獨未出

春歡雨露同霑澤冬歎風霜獨滿衣畱滯多時如我少

遷移好處似君稀臥龍雲到須先起蟄燕雷驚尚未飛
莫恨東西溝水別滄溟長短擬同歸

自到潯陽生三女子因詮真理用遣妄懷

宦途本自安身拙世累由來向老多遠謫四年徒已矣
晚生三女擬如何預愁嫁娶真成患細念因緣盡是魔
賴學空王治苦法須拋煩惱入頭陀

江西裴常侍以優禮見待又蒙贈詩輒敘鄙誠用伸感謝

一從簪笏事金貂每借溫顏放折腰長覺身輕離泥滓
忽驚手重捧瓊瑤馬因回顧雖增價桐遇知音已半焦
他日秉鈞如見念壯心直氣未全銷

自江州司馬授忠州刺史仰荷聖澤聊書鄙誠

炎瘴拋身遠泥塗索脚難
網初鱗撥刺籠久翅摧殘
雷電頒時令陽和變歲寒
遺簪承舊念剖竹授新官
鄉覺前程近心隨外事寬
生還應有分西笑問長安

除忠州寄謝崔相公

提拔出泥知力竭吹噓生翅見情深
劔鋒鉞折難衝斗桐尾燒焦豈望琴
感舊兩行年老淚酬恩一寸歲寒心
忠州好惡何須問鳥得辭籠不擇林

初除官蒙裴常侍贈鶻銜瑞草緋袍魚袋因謝

惠貺兼抒離情

新授銅符未著緋因君裝束始光輝
惠深范叔綈袍贈榮過蘇秦佩印歸
魚綴白金隨步躍鶻銜紅綬繞身飛
明朝戀別朱門淚不敢多垂恐汗衣

洪州逢熊孺登

靖安院裏辛夷下醉笑狂吟氣最粗
莫問別來多少苦低頭看取白髭鬚

初著刺史緋答友人見贈

故人安慰善爲辭五十專城道未遲
徒使花袍紅似火其如蓬鬢白成絲
且貪薄俸君應惜不稱衰容我自知
銀印可憐將底用只堪歸舍嚇妻兒

又答賀客

銀章暫假爲專城賀客來多嬾起迎
似挂緋衫衣架上朽株枯竹有何榮

別草堂三絕句

正聽山鳥向陽眠黃紙除書落枕前
爲感君恩須暫起

爐峰不擬住多年

久眠褐被為居士忽挂緋袍作使君身出草堂心不出

廬山未要動一作勒移文

三間茅舍向山開一帶山泉繞舍迴山色泉聲莫惆悵

三年官滿却歸來

鍾陵餞送

翠幕紅筵高在雲歌鐘一曲萬家聞路人指點滕王閣

看送忠州白使君

潯陽宴別

此後忠州路上作

鞍馬軍城外笙歌祖帳間乘潮發湓口帶雪別廬山暮

景牽行色春寒散醉顏共嗟炎瘴地盡室得生還

戲贈戶部李巡官

好語一作去民曹李判官少貪公事且謀歡男兒未死爭能

料莫作忠州刺史看

行次夏口先寄李大夫

連山斷處大江流紅旆逶迤鎮上游幕下翱翔秦御史

軍前奔走漢諸侯曾陪劔履升鸞殿欲謁旌幢入鶴樓

假著緋袍君莫笑恩深始得向忠州

重贈李大夫

早接清班登玉陛同承別詔直金鑾鳳巢閣上容身穩

鶴鑲籠中展翅難流落多年應是命量移遠郡未成官

慙君獨不欺顛顛猶作銀臺舊眼看

對鏡吟

閒看明鏡坐清晨多病姿容半老身誰論情性乖時事

自想形骸非貴人三殿失恩宜放棄九宮推命合漂淪
如今所得須甘分腰佩銀龜朱兩輪

江州赴忠州至江陵以來舟中示舍弟五十韻

昔作咸秦客常思江海行今來仍盡室此去又專城典
午猶為幸分憂固是榮筭篁州乘送艘驛船迎共載
皆妻子同遊即弟兄寧辭浪迹遠且貴賞心并雲展帆
高掛颺馳權迅征沂流從漢浦循路轉荆衡山逐時移
色江隨地改名風光近東早水木向南清夏口煙孤起
湘川雨半晴日煎紅浪沸月射白砂明北渚寒畱雁南
枝暖待鶯駢朱桃露萼點翠柳含萌亥市魚鹽聚神林
鼓笛鳴壺糝椒葉氣歌曲竹枝聲繫纜憐沙靜垂綸愛
岸平水餐紅粒稻野茹紫花菁甌泛茶如乳臺粘酒似

餽膾長抽錦縷藕脆削瓊英容易來千里斯須進一程
未曾勞氣力漸覺有心情臥穩添春睡行遲帶酒醒忽
愁牽世網便欲濯塵纓早接文場戰曾爭翰苑盟掉頭
稱俊造翹足取公卿且昧隨時義徒輸報國誠衆排恩
易失偏壓勢先傾虎尾憂危切鴻毛性命輕燭蛾誰救
護蠶繭自纏縈斂手辭雙闕回眸望兩京長沙拋賈誼
漳浦臥劉楨鷓鴣鳴還歇蟾蜍破又盈年光同激箭鄉
思極搖旌潦倒親知笑衰羸舊識驚烏頭應感白魚尾
為勞賴劔學將何用丹燒竟不成孤舟萍一葉霜鬢雪
千莖老見人情盡閒思物理精如湯探冷熱似博鬪輸
贏險路應須避迷塗莫共爭此心知止足何物要經營
玉向泥中潔松經雪後貞無妨隱朝市不必謝寰羸但

在前非悟期無後患嬰多知非景福少語是元亨晦即
全身藥明為伐性兵昏昏隨世俗蠢蠢學黎毗鳥以能
言繡龜緣入夢烹知之一何晚猶足保餘生

題岳陽樓

岳陽城下水漫漫獨上危樓凭曲闌春岸綠時連夢澤
夕波一作陽紅處近長安猿攀樹立啼何苦鴈點湖飛渡亦
難此地唯堪畫圖障華堂張與貴人看

入峽次巴東

不知遠郡何時到猶喜全家此去同萬里王程三峽外
百年生計一舟中巫山暮足霑花雨隴水春多逆浪風
兩片紅旌數聲鼓使君艤艤上巴東

立名按容齋隨筆杜子美詩夜足霑沙雨
春多逆水風樂天巫山隴水二句全用之

十年三月三十日別微之於灃上十四年三月
十一日夜遇微之於峽中停舟夷陵三宿而別
言不盡者以詩終之因賦七言十七韻以贈且
欲記所遇之地與相見之時為他年會話張本
也

附三遊洞序平淮西之明年又予自江州司馬授忠州刺史微之自
通州司馬授虢州長史又明年春各祇命之郡與知退偕行三月十日
參會於夷陵翌日微之反權送予至下牢戍又翌日將別未忍引舟上
下者久之酒酣聞石間泉聲因舍權進策步入鼓岸初見石如疊如削
其怪者如引臂如垂幢次見泉如瀉如灑其奇者如懸練如不絕綫
遂相與維舟巖下率僕夫芟蕪刈豎梯危繼滑休而復上者凡四焉
仰睇俯察絕無人迹但水石相薄磷磷鑿鑿跳珠濺玉驚動耳目自
未訖成愛不能去俄而峽山昏黑雲破月出光氣含吐互相明滅晶瑩
玲瓏象生其中雖有敏口不能名狀既而夕不寐迨旦將去憐奇惜別且
歎且言知退曰斯境勝絕天地間其有幾乎如之何俯通津縣歲代寂寥
委置罕有到者予曰借此喻彼可為長太息豈獨是哉豈獨是哉微之
曰誠哉是言矧吾人難相逢斯境不易得今兩偶於是得無述乎請各
賦古調詩二十韻書於石壁仍命予序而紀之又以吾三人始遊故因為三
遊洞洞在峽州上二十里北峰下兩崖相廡間欲將來好事者知故備

書其事

澧水店頭春盡日送君上馬謫通川夷陵峽口明月夜
 此處逢君是偶然一別五年方見面相攜三宿未迴船
 坐從日暮唯長歎語到天明竟未眠齒髮蹉跎將五十
 關河迢遞過三千生涯共寄滄江上鄉國俱拋白日邊
 往事渺茫都似夢舊遊零落半歸泉醉悲灑淚春杯裏
 吟苦支頤曉燭前莫問龍鍾惡官職且聽清脆好詩篇
微之別來有新詩數百篇麗絕可愛別來只是成詩癖老去何曾更酒顛各限王
 程須去住重開離宴貴畱連黃牛渡北移征權白狗崖
 東卷別筵黃生白狗皆峽中地名即與微之遇別之所也神女臺雲閒繚繞使君灘水
 急潺湲風淒暝色愁楊柳月弔宵聲哭杜鵑萬丈赤幢
 潭底日一條白練峽中天君還秦地辭炎徼我向忠州

入瘴煙未死會應相見在又知何地復何年

立名按集中但載此序而其詩已缺焉即元集亦無此詩可見元白詩亡失者多矣因其與十七韻同時故附有原序備考

題峽中石上

巫女廟花紅似粉昭君邨柳翠於眉誠知老去風情少
 見此爭無一句詩

立名按雲溪友議樂天除忠州刺史自峽沿流赴郡時秭歸縣繁知一聞樂天將過巫山先於神女祠粉壁大書曰忠州刺史今才子行到巫山必有詩為報高唐神女道速排雲雨候清詞白公觀題悵然邀知一至曰歷山劉郎中禹錫三年理白帝欲作一詩於此怯而不為罷郡經過悉去千餘詩但畱四章而已此四章者乃古今之絕唱也而人造次不合為之沈佺期詩巫山高不極合沓狀奇新閣谷疑風雨幽崖若鬼神月明三峽曙潮滿九江春為問陽臺客應知入夢人○王無競詩神女向高唐巫山下夕陽徘徊作行雨婉變逐荆王電影江前落雷聲峽外長霽雲無處所臺館曉蒼蒼○皇甫冉詩巫峽見巴東迢迢出半空雲藏坤女館雨到楚王宮朝暮泉聲落寒暄樹色同清猿不可聽偏在九秋中○李端詩巫山十二重皆在碧巖中迴合雲藏日霏微雨帶風猿聲寒度水樹色暮連空悲向高唐去千秋見楚宮白公但吟此四篇與繁生同濟卒不賦詩

白香山詩長慶集卷第十七

〇〇〇〇〇

白香山詩長慶集卷第十七

六

白香山詩長慶集卷第十八

律詩

五言七言凡九十四首

夜入瞿唐峽

瞿唐天下險夜上信難一作艱哉岸似雙屏合天如匹練一作帛開逆風驚浪起拔篙暗船來欲識愁多少高於濫湏堆

初到忠州贈李六

好在天涯李使君江頭相見日黃昏吏人生梗都如鹿市井蕭疎一作疎蕪只抵邨一隻蘭船一作葉船當驛路一作步百層石磴上州門更無平地堪行處虛受朱輪五馬恩

郡齋暇日憶廬山草堂兼寄二林僧社三十韻
皆敘貶官以來出處之意

諫諍知無補遷移分所當不堪匡聖主只合事空王龍

象投新社鷓鴣失故行沈吟辭北闕誘引向西方便住
雙林寺仍開一草堂平治行道路一作地安置坐禪牀手版

支為枕頭巾閣在牆先生烏几烏居士白衣裳竟歲何

曾悶終身不擬忙滅除殘夢想換盡舊心腸世界多煩

惱形神久損傷正從風鼓浪轉作日銷霜佛經云生死無休已如風鼓海浪又云煩

惱如霜露慧日能消除吾道尋知止君恩偶未忘忽蒙頒鳳詔兼謝剖

魚章蓮靜方依水葵枯重仰陽三車猶夕會五馬已晨

裝去似尋前世來如別故鄉眉低出鷲嶺脚重下蛇岡

廬山岡名漸望廬山遠彌愁峽路長香爐峰隱隱巴字水茫茫

瓢挂留庭樹經收在屋梁春拋紅藥圃夏憶白蓮塘唯

擬捐塵事將何答寵光有期追永遠晉時永遠二法師同隱廬山二林無政

繼龔黃南國秋猶熱西齋夜斲涼閒吟四句偈靜對一

爐香身老同丘井心空是道場覓僧為去伴畱俸作歸
糧為報山中侶憑看竹下房會應歸去在松菊莫教荒

贈康叟

八十秦翁老不歸南賓太守乞寒衣再三憐汝非他意

天寶遺民見漸稀

鸚鵡

竟日語還默中宵棲復驚身囚緣彩翠心苦為分明暮
起歸巢思春多憶侶聲誰能拆籠破從放悞飛鳴

京使回累得南省諸公書因以長句詩寄謝蕭

五劉二元八吳十一韋大陸郎中崔二十二牛

二李七庾三十二李六李十楊三樊大楊十二

員外

雪壓泥埋未死身每勞存問媿交親浮萍漂泊三千里
列宿參差十五人禁月落時君待漏畬煙深處我行春
瘴鄉得老猶為幸豈敢傷嗟白髮新

東城春意

風輒雲不動郡城東北隅晚來春澹澹天氣似京都絃
管隨宜有杯觴不道無其如親故遠無可共歡娛

木蓮樹圖

并序

木蓮樹生巴峽山谷間巴民亦呼為黃心樹大者高
五丈涉冬不凋身如青楊有白文葉如桂厚大無脊
花如蓮香色豔膩皆同獨房藥有異四月初始開自
開迨謝僅二十日忠州西北十里有鳴玉谿生者穠
茂尤異元和十四年夏命道士毋丘志寫惜其遐僻

因題三絕句云

如折芙蓉栽旱地似拋芍藥挂高枝雲埋水隔無人識
唯有南賓太守知

紅似燕支膩如粉傷心好物不須臾山中風起無時節
明日重來得在無

已愁花落荒巖底復恨根生亂石間幾度欲移移不得
天教拋擲在深山

立名按太平寰宇記鳴玉溪在忠州西十里上
有懸巖瀑布高五十餘丈潭洞幽邃古木蒼然

種桃杏

無論海角與天涯大抵心安即是家路遠誰能念鄉曲
年深兼欲忘京華忠州且作三年計種杏栽桃擬待花

新秋

二毛生鏡日一葉落庭時老去爭由我愁來欲泥誰空
銷閒歲月不見舊親知唯弄扶牀女時時強展眉

龍昌寺荷池

冷碧新秋水殘紅半破蓮從來寥落意不似此池邊

聽竹枝贈李侍御

巴童巫女竹枝歌懊惱何人怨咽多
慙聽遣君猶悵望長聞教我復如何

寄胡餅與楊萬州

胡麻餅樣學京都麪脆油香新出爐
寄與飢饑楊大使嘗看得似輔興無

感櫻桃花因招飲客

櫻桃昨夜開如雪鬢髮今年白似霜
漸覺花前成老醜

何曾酒後更顛狂誰能聞此來相勸
共泥春風醉一場

東亭閒望

按英華作閒坐

東亭盡日坐誰伴寂寥身綠桂一作樹為佳客
紅蕉當美人笑言雖不接情狀似相親
不作悠悠想如何度晚春

畫木蓮花圖寄元郎中

花房膩似紅蓮朶豔色鮮如紫牡丹
唯有詩人應解愛丹青寫出與君看

和李灋州題韋開州經藏詩

既悟蓮花藏須遺貝葉書菩提無處所
文字本空虛觀指非知月忘筌是得魚
聞君登彼岸舍筏復何如

九日題塗谿

蕃一作蕃草席鋪楓葉岸竹枝歌送菊花杯
明年尚作南賓

守或可重陽更一來

即事寄微之

畚田澀米不耕鉏旱地荒園少菜蔬想念土風今若此
料看生計合何如衣縫紕纈黃絲絹飯下腥鹹白小魚
飽暖飢寒何足道此身長短是空虛

題郡中荔枝詩十八韻兼寄萬州楊八使君

附荔枝圖序荔枝生巴峽間樹形團團如帷蓋葉如桂冬青花如橘春
榮實如丹夏熟紫如蒲萄核如枇杷殼如紅繒膜如紫綃瓤肉瑩白如
冰雪漿液甘酸如醴酪大略如彼其實過之若離本枝一日而色變二日而
香變三日而味變四五日外色香味盡去矣元和十五年夏南賓守樂
天命工史圖而書之蓋為不識
者與識而不及一二三日者云

奇果標南土芳林對北堂素華春漠漠丹實夏煌煌葉
捧低垂戶枝擎重壓牆始因風弄色漸與日爭光夕訝
條懸火朝驚樹點粧深於紅躑躅大校白檳榔星綴連

心朶珠排耀眼房紫羅裁襯殼白玉裏填瓢早歲曾聞
說今朝始摘嘗嚼疑天上味饜異世間香潤勝蓮生水
鮮逾橘得霜燕支掌中顆甘露舌頭漿物少尤珍重天
高苦渺茫已教生暑月又使阻遐方粹液靈難駐妍姿
嫩易傷近南光景熱向北道途長不得充王賦無由寄
帝鄉唯君堪擲贈面白似潘郎

畱北客

峽外相逢遠尊前一會難即今分手別且強展眉歡楚
袖蕭條舞已絃趣從速反數彈笙歌隨分有莫作帝鄉看

重寄荔枝與楊使君時聞楊使君欲種植故有
落句之戲

摘來正帶凌晨露寄去須憑下水船映我緋衫渾不見

對公銀印最相鮮香連翠葉真堪畫紅透青籠實可憐
聞道萬州方欲種愁君得喫是何年

和萬州楊使君四絕句

競渡

競渡相傳爲汨羅不能止過意無他自經放逐來憔悴
能校靈均死幾多

江邊草

聞君澤畔傷春草憶在天門街裏時漠漠淒淒愁一作秋滿
眼就中惆悵是江蘼

嘉慶李

東都綠李萬州栽君手封題我手開把得欲嘗先悵望
與渠同別故鄉來

白槿花

秋薜晚英無豔色何因栽種在人家使君只別羅敷面
爭解回頭愛白花

和行簡望郡南山

反照前山雲樹明從君苦道似華清試聽腸斷巴猿叫
早晚驪山有此聲

望郡南山

白行簡

臨江一嶂白雲間紅綠層層錦繡斑不作巴南天外
意何如昭應望驪山按此詩本行簡作今本誤作望郡南山寄行簡

種荔枝

紅顆珍一作真珠誠可愛白鬚太守亦何癡十年結子知誰
在自向庭中種荔枝

陰雨

嵐霧今朝重江山此地深灘聲秋更急峽氣曉多陰望
闕雲遮眼思鄉雨一作淚滴心將何慰幽獨賴此北窗琴

送客歸京

水陸四千里何時歸到秦舟辭三月雨馬入九衢塵有
酒畱行客無書寄貴人唯聞遠傳語好在曲江春

送蕭處士遊黔南

能文好飲老蕭郎身似浮雲鬢似霜生計拋來詩是業
家園忘却酒為鄉江從巴峽初成字猿過巫陽始斷腸
不醉黔中爭去得磨圍山月正蒼蒼

東樓醉

天涯深峽無人地歲暮窮陰欲夜天不向東樓時一醉

如何擬過二三年

寄微之時微之為
澠州司馬

高天默默物茫茫各有來由致損傷鸚為能言長翦翅
龜緣難死久搯牀莫嫌冷落拋閒地猶勝炎蒸臥瘴鄉
外物竟關身底事謾排門戟繫腰章

東樓招客夜飲

莫辭數數醉東樓除醉無因破得愁唯有綠尊紅燭下
暫時不似在忠州

醉後戲題

自知清冷似冬凌每被人呼作律僧今夜酒醺羅綺煖
被君融盡玉壺冰

冬至夜

老去襟懷常濩落病來鬚髮轉蒼浪心灰不及爐中火
鬢雪多於砌下霜三峽南賓城最遠一年冬至夜偏長
今宵始覺房櫳冷坐索寒衣詎孟光

竹枝詞四首

瞿塘峽口水煙低白帝城頭月向西唱到竹枝聲咽處
寒猿閤鳥一時啼

竹枝苦怨怨何人夜靜山空歇又聞蠻兒巴女齊聲唱

愁殺江南一作樓病使君

巴東船舫上巴西波面風生雨脚齊水蓼冷花紅簇簇
江蘼溼葉碧淒淒

江畔誰人唱竹枝前聲斷咽後聲遲怪來調苦緣詞苦
多是通州司馬詩

酬嚴中丞晚眺黔江見寄

江水三迴曲愁人兩地情磨圍山下色明月峽中聲晚
後連天碧秋來徹底清臨流有新恨照見白鬚生

寄題楊萬州四望樓

江上新樓名四望東西南北水茫茫無由得與君攜手
同凭闌干一望鄉

答楊使君登樓見憶

忠萬樓中南北望南州煙水北州雲兩州何事偏相憶
各是籠禽作使君

除夜

歲暮紛多思天涯渺未歸老添新甲子病減舊容輝鄉
國仍畱念功名已息機明朝四十九應轉悟前非

聞雷

瘴地風霜早溫天氣候催窮冬不見雪正月已聞雷震
蟄蟲蛇出驚枯草木開空餘客方寸依舊似寒灰

春至

若為南國春還至爭向東流日又長白片落梅浮澗水
黃梢新柳出城牆閒拈蕉葉題詩詠悶取藤枝引酒嘗
樂事漸無身漸老從今始擬負風光

感春

巫峽中心郡巴城四面春草青臨水地頭白見花人憂
喜皆心火榮枯是眼塵除非一杯酒何物更關身

春江

炎涼昏曉苦推遷不覺忠州已二年閉閣只聽朝暮鼓

上樓空望往來船鶯聲誘引來花下草色勾留坐水邊
唯有春江看未厭縈砂繞石綠潺湲

題東樓前李使君所種櫻桃花

身入青雲無見日手栽紅樹又逢春唯留花向樓前看
故故拋愁與後人

巴水

城下巴江水春來似麴塵軟沙如渭曲斜岸憶天津影
蘸新黃柳香浮小白蘋臨流搔首坐惆悵為何人

野行

草潤衫襟重沙乾屐齒輕仰頭聽鳥立信脚望花行暇
日無公事衰年有道情浮生短於夢夢裏莫營營

送高侍御使迴因寄楊八

明月峽邊逢制使黃茅岸上是忠州到城莫說忠州惡
無益虛教楊八愁

奉酬李相公見示絕句時初聞國哀

碧油幢下捧新詩榮賤雖殊共一悲涕淚滿襟君莫怪
甘泉侍從最多時

立名按憲宗元和十五年正月服柳泌金丹多躁怒左右宦官往往獲罪有死者人人自危至是暴崩於中和殿時皆言內侍陳弘志弒逆也公是年冬自忠州召還拜司門員外郎

戲贈蕭處士清禪師

三杯嵬峨忘機客百衲頭陀任運僧又有放慵巴郡守
不營一事共騰騰

錢虢州以三堂絕句見寄因以本韻和之

同事空王歲月深相思遠寄定中吟遙知清淨中和化

祇用金剛三昧心子早歲與錢君同習讀金剛三昧經故云

立名按昌黎和劉虢州山堂新題二十一詠序云虢州刺史宅連水池竹林往往為亭臺島渚目其處為三堂劉兄自給事出刺此州在任逾歲職修人治州中稱無事頗復增飾從子弟而遊其間又作二十一詩以詠其事流行京師文士爭和之劉伯簡字素芝汝州廣平人元和八年出刺虢州制詞即公所撰山堂詩題有新亭流水竹洞月臺渚亭竹溪北湖花島柳溪西山竹徑荷池稻畦柳巷花源北樓鏡潭孤嶼方橋梯橋月池凡二十一首

三月三日

暮春風景初三日流世光陰半百年欲作閒遊無好伴
半江惆悵却回船

寒食夜

四十九年身老日一百五夜月明天抱膝思量何事在
癡男駮一作癡女喚鞦韆

代州民問

龍昌寺底開山路巴子臺前種柳林官職家鄉都忘却

誰人會得使君心

答州民

宦情斗擻隨塵去鄉思銷磨逐日無唯擬騰騰作閒事
遮渠不道使君愚

荔枝樓對酒

荔枝新熟雞冠色燒酒初開琥珀香欲摘一枝傾一盞
西樓無客共誰嘗

立名按方輿勝覽荔枝樓在南賓郡西南隅白公置

房家夜宴喜雪戲贈主人

風頭向夜利如刀賴此溫爐軟錦袍桑落氣熏珠翠煖
柘枝聲引管絃高酒鉤送盞推蓮子燭淚粘盤壘蒲萄
不醉遣儂爭散得門前雪片似鵝毛

立名按陸放翁云忠州在陝路與萬州最號窮陋不復有為郡之樂那得如樂天詩所詠光景當是不堪司馬閒冷驟易刺史故易見其樂爾

醉後贈人

香球趁拍回環匝花殘拋巡取次飛自入春來未同醉
那能夜去獨先歸

初除尚書郎脫刺史緋

親賓相賀問何如服色恩光盡反初頭白喜拋黃草峽
眼明驚拆紫泥書便畱朱紱還鈴閣却著青袍侍玉除
無柰嬌癡三歲女繞腰啼哭覓銀魚

畱題開元寺上方

東寺臺閣好上方風景清數來猶未厭長別豈無情戀
水多臨坐辭花賸繞行最憐新岸柳手種未全成
別種東坡花樹兩絕

三年畱滯在江城草樹禽魚盡有情何處殷勤重回首
東坡桃李種新成

花林好住莫顛顛春至但知依舊春樓上明年新太守
不妨還是愛花人

別橋上竹

穿橋迸竹不依行恐礙行人被損傷我去自慙遺愛少
不教君得似甘棠

發白狗峽次黃牛峽登高寺却望忠州

白狗次黃牛灘如竹節稠路穿天地險人續古今愁忽
見千花塢因停一葉舟畏途常迫促靜境斲淹畱巴曲
春全盡巫陽雨半收北歸雖引領南望亦回頭昔去悲
殊俗今來念舊遊別僧山北寺拋竹水西樓郡樹花如

雪軍廚酒似油時時大開口自笑憶忠州

棣華驛見楊八題夢兄弟詩

遙聞旅宿夢兄弟應為郵亭名棣華名作棣華來早晚
自題詩後屬楊家

商山路有感

萬里路長在六年身始歸所經多舊館大半主人非

商山路驛桐樹昔與微之前後題名處

與君前後多遷謫五度經過此路隅笑問中庭老桐樹
這回歸去免來無

德宗皇帝挽歌四首

按此以下皆貞元末元和初之作誤闕忠州詩後姑仍之

執象宗玄祖貽謀啓孝孫文高柏梁殿禮薄灞陵原宮
仗辭天闕朝儀出國門生成不可報二十七年春

虞帝南巡後殷宗諒闇中初辭鑄鼎地已閉望仙宮曉
落當陵月秋生滿旆風前星承帝座不使北辰空
業大承宗祖功成付子孫睿文詩播樂遺訓史標言節
表中和德方垂廣利恩懸知千載後理代數貞元
夢減三齡壽哀延七月期寢園愁望遠宮仗哭行遲雲
日添寒慘笳簫向晚悲因山有遺詔如葬漢文時

昭德王皇后挽歌詞

仙去逍遙境詩畱窈窕章春歸金屋少夜入壽宮長鳳
引曾辭輦蠶休昔采桑陰靈何處感沙麓月無光

立名按新唐書貞元二年十一月皇后崩而不書氏蓋淑妃王氏之疾
帝念之立為后冊畢而沒綱目以此病德宗謂不當立危病為母儀

太平樂詞二首

已下七首在翰
林時奉敕撰進

歲豐仍節儉時泰更銷兵聖念長如此何憂不太平

湛露浮堯酒熏風起舜歌願同堯舜意所樂在人和

小曲新詞二首

霽色鮮宮殿秋聲脆管絃聖明千歲樂歲歲似今年
紅裾明月夜碧簟早秋時好向昭陽宿天涼玉漏遲

閨怨詞三首

朝憎鶯百轉夜妒燕雙棲不慣經春別唯知到曉啼
珠箔籠寒月紗窓背曉燈夜來巾上淚一半是春冰
關山征戍遠閨閣別離難苦戰應顛顛寒衣不要寬

殘春曲

禁中
口號

禁苑殘鶯三四聲景遲風慢暮春情日西無事牆陰下
閒蹋宮花獨自行一作吟

長安春

三五十八
白香山言古詩集卷六
青門柳枝軟無力東風吹作黃金色街東酒薄醉易醒
滿眼春愁消不得

長樂坡送人賦得愁

行人南北分征路流水東西接御溝終日坡前恨離別
漫名長樂是長愁

長洲苑

春入長洲草又生鷓鴣飛起少人行年深不辨娃宮處
夜夜蘇臺空月明

憶江柳

曾栽楊柳江南岸一別江南兩度春遙憶青青江岸上
不知攀折是何人

南浦別

南浦淒淒別西風嫋嫋秋一看腸一斷好去莫回頭

三年別

悠悠一別已三年相望相思明月天腸斷青天望明月
別來三十六回圓

傷春曲

深淺檐花千萬枝碧紗窗外轉黃鸝殘妝含淚下簾坐
盡日傷春春不知

後宮詞

淚盡一作溼羅巾夢不成夜深前殿按歌聲紅顏未老恩先
斷斜倚熏籠坐到明

立名按此詩舊作王建
宮詞惟紀事作白詩

三十八
領下髭鬚半是絲光陰向後幾多時非無解挂簪纓意
未有支持伏臘資冒熱衝寒徒自取隨行逐隊欲何爲
更慙山侶頻傳語五十歸來道未遲

早朝思退居

霜嚴月苦欲明天忽憶閒居思浩然自問寒燈夜半起
何如暖被日高眠唯慙老病披朝服莫慮飢寒計俸錢
隨有隨無且歸去擬求豐足是何年

曲江亭晚望

曲江岸北凭闌干水面陰生日脚殘塵路行多綠袍故
風亭立久白鬚寒詩成闍著閒心記山好遙偷病眼看
不被馬前提省印何人信道是郎官

初除主客郎中知制誥與王十一李七元九三

舍人中書同宿話舊感懷

閒宵靜話喜還悲聚散窮通不自知已分雲泥行異路
忽驚雞鶴宿同枝紱垣曹署榮華地白髮郎官老醜時
莫怪不如君氣味此中來校十年遲

西省對花憶忠州東坡新花樹因寄題東樓

每看闕下丹青樹不忘天邊錦繡林西掖垣中今日眼
南賓樓上去年心花含春意無分別物感人情有淺深
最憶東坡紅爛熳野桃山杏水林檎

寄題忠州小樓桃花

再遊巫峽知何日總是秦人說向誰長憶小樓風月夜
紅闌干上一作外兩三枝

中書連直寒食不歸因憶元九

去歲清明日南巴古郡樓今年寒食夜西省鳳池頭并
上新人直難隨舊伴遊誠知視草貴未免對花愁鬢髮
莖莖白光陰寸寸流經春不同宿何異在忠州

春憶二林寺舊遊因寄郎滿晦三上人

一別東林三度春每春常似憶情親頭陀會裏為逋客
供奉班中作老臣清淨久辭香火伴塵勞難索幻泡身
寂慙僧社題牆一作名處十八人名一作中空去聲一人

和元少尹新授官

官穩身應泰春風信馬行縱忙無苦事雖病有心情厚
祿兒孫飽前驅道路榮花時八十直無暇賀元兄

朝回和元少尹絕句

朝客朝回回望好盡紆朱紫佩金銀此時獨與君為伴

馬上青袍唯兩人

重和元少尹

鳳閣舍人京亞尹白頭俱未著緋衫南宮起請無消息
朝散何時得入銜

中書夜直夢忠州

閣下燈前夢巴南城裏一作底遊覓花來渡口尋寺到山頭

江色分明綠猿聲依舊愁禁鐘驚睡覺唯不上東樓

醉後

酒後高歌且放狂門前閒事莫思量猶嫌小戶長先醒
不得多時住醉鄉

待漏入閣書事奉贈元九學士閣老

衙排宣政仗門啓紫宸關彩筆停書命花甌趁立班稀

星點銀礫殘月隋金鑲暗漏猶傳水明河漸下山從東
分地色向北仰天顏碧縷爐煙直虹垂旆尾閒綸闈
並入翰苑忝先攀笑我青袍故饒君茜綬殷詩仙歸洞
裏酒病滯人間好去駕鸞侶冲天便不還

立名按李肇國史補宰相呼爲元老或曰堂老兩省相呼爲閣老六典云中書舍人在省以年深一人爲閣老

晚春重到集賢院

官曹清切非人境風日鮮明是洞天滿砌荆花鋪紫毯
隔牆榆莢撒青錢前時謫去三千里此地辭來十四年
虛薄至今慙舊職院一作殿名擡舉號爲賢

紫薇花

絲綸閣下文書靜鐘鼓樓中刻漏長獨坐黃昏誰是伴
紫薇花對紫薇郎

卜居

遊宦京都二十春貧中無處可安貧長羨蝸牛猶有舍
不如碩鼠解藏身且求容立錐頭地免似漂流木偶人
但道吾廬心便足敢辭湫隘與囂塵

題新居寄元八

青龍岡北近西邊移入新居便泰然冷巷閉門無客到
暖檐移榻向陽眠階墀一作庭寬窄纔容足牆壁高低粗及
肩莫羨昇平元八宅自思買用幾多錢

登龍尾道南望憶廬山舊隱

龍尾道邊來一望香爐峰下去無因青山舉眼三千里
白髮平頭五十人自笑形骸紆組綬將何言語掌絲綸
君恩壯健猶難報况被年年老逼身

馮閣老處見與嚴郎中酬和詩因戲贈絕句
乍來天上宜清淨不用回頭望故山縱有舊遊君莫憶
塵心起即隨人間

見于給事暇日上直寄南省諸郎官詩因以戲

贈

倚作天仙弄地仙誇張一日抵千年黃麻敕勝長生籙
白紵詞嫌內景篇雲彩誤居青瑣地一作雪貌莫居青瑣地風流合在
紫微天東曹漸去西垣近鶴駕無妨更著鞭

題新昌所居

宅小人煩悶泥深馬鈍頑街東閒處住日午熱時還院
窄難栽竹牆高不見山唯應方寸內此地覓寬閒

西省北院新構小亭種竹開窗東通騎省與李

常侍隔窗小飲因題四韻

結託白鬚伴因依青竹叢題詩新僻上過酒小窓中深
院晚無日虛檐涼有風金貂醉看好回面紫垣東

酬元郎中同制加朝散大夫書懷見贈

命服雖同黃紙上官班不共紫垣前青衫脫早差三日
白髮生遲校九年曩者定交非勢利老來同病是詩篇
終身擬作臥雲伴逐月須收燒藥錢五品足為婚嫁主
緋袍著了好歸田

初著緋戲贈元九

晚遇緣才拙先衰被病牽那知垂白日始是著緋年身
外名徒爾人間事偶然我朱君紫綬猶未得差肩

和韓侍郎苦雨

潤氣凝柱礎，鯨聲注瓦溝。閣窗不曉涼，引簟先秋葉。
溼蠶應病泥，稀燕亦愁仍。聞放朝夜誤，出到街頭。

連雨

風雨暗蕭蕭，雞鳴暮復朝。碎聲籠苦竹，冷翠落芭蕉。
水鳥投檐宿，泥蛙入戶跳。仍聞蕃客見，明日欲追朝。

初加朝散大夫又轉上柱國

紫微今日煙霄地，赤嶺前年泥土身。得水魚還動鱗鬣，
乘軒鶴亦長精神。且慙身忝官階貴，未敢家嫌活計貧。
柱國勲成私自問，有何功德及生人。

行簡初授拾遺同早朝入閣因示十二韻

夜色尚蒼蒼，槐陰夾路長。聽鐘出長樂，傳鼓到新昌。
宿雨沙隄潤，秋風樺燭香。馬驕欺地軟，人健得天涼。
待漏

排閭闔，停珂擁建章。爾隨黃閣老，吾次紫微郎。並入連
稱籍，齊趨對折方。鬪班花接萼，綽立雁分行。近職誠為
美，微才豈合當。綸言難下筆，諫紙易盈箱。老去何僥倖，
時來不料量。唯求致身地，相誓答恩光。

立名按困學紀聞給事中屬門下省開元曰黃門省故曰黃閣左拾遺亦東省
之屬故曰爾隨黃閣老近世用為宰輔事則又出漢舊儀丞相聽事門曰
黃閣義也

立秋日登樂遊園

獨行獨語曲江頭，回馬遲遲上樂遊。蕭颯涼風與衰鬢，
誰教計會一時秋。

新秋早起有懷元少尹

秋來轉覺此身衰，晨起臨階盥漱時。漆匣鏡明頭盡白，
銅餅水冷齒先知。光陰縱惜畱難住，官職雖榮得已遲。

老去相逢無別計強開笑口展愁眉

夜筭

紫袖紅絃明月中自彈自感閨低容絃凝指咽聲停處
別有深情一萬重

妻初授邑號告身

弘農舊縣授新封鈿軸金泥誥一通我轉官階常自媿
君加邑號有何功花牋印了排窠溼錦幪裝來耀手紅
倚得身名便慵隨日高猶睡綠窗中

送客南遷

我說南中事君應不願聽曾經身困苦不覺語丁寧燒
處愁雲夢波時憶洞庭春畚煙勃勃秋瘴露冥冥蚊蚋
經冬活魚龍欲雨腥水蟲能射影山鬼解藏形穴掉巴

蛇尾林飄鷓鴣鳥翎颺風千里黑蕨

徐廉切
山菜也

草四時青客似

驚弦雁舟如委浪萍誰人勸言笑何計慰漂零慎勿琴
離膝長須酒滿瓶大都從此去宜醉不宜醒

暮歸

不覺百年半何曾一日閒朝隨燭影出暮趁鼓聲還甕
裏非無酒牆頭亦有山歸來長困臥早晚得開顏

寄遠

欲忘忘未得欲去去無由兩掖不生翅二毛空滿頭坐
看新落葉行上最高樓暝色無邊際茫茫盡眼愁

舊房

遠僻秋聲蟲絡絲入檐新影月低眉牀帷半故簾旌斷
仍是初寒欲夜時

錢侍郎使君以題廬山草堂詩見寄因酬之
殷勤江郡守悵望掖垣郎慙見新瓊什思歸舊草堂事
隨心未得名與道相妨若不休官去人間到老忙

寄山僧 時年五十

眼看過半百早晚掃巖扉白首誰畱 一作能住青山自不歸
百千萬劫障四十九年非會擬抽身去當風抖擻衣

慈恩寺有感 時杓直初逝居敬方病

自問有何惆悵事寺門臨入却遲迴李家哭泣元家病
柿葉紅時獨自來

酬嚴十八郎中見示

口厭含香握厭蘭紫微青瑣舉頭看忽驚鬢後蒼浪髮
未得心中本分官夜酌滿容花色暖秋吟切骨玉聲寒

承明長短君應入莫憶家江七里灘

寄王祕書

霜菊花萎日風梧葉碎時怪來秋思苦緣詠祕書詩

中書寓直

繚繞宮牆圍禁林 一作苑半開閭闔曉沈沈天晴更覺南山
近月出方知西掖深病對詞頭慙彩筆老看鏡面媿華
簪自嫌野物將何用土木形骸麋鹿心

自問

黑花滿眼絲滿頭早衰因病病因愁宦途氣味已諳盡
五十不休何日休

曲江獨行招張十八

曲江新歲後冰與水相和南岸猶殘雪東風未有波偶

遊身獨自相憶意如何莫待春深去花時鞍馬多

新居早春二首

靜巷無來客深居不出門鋪沙蓋苔面掃雪擁松根漸
暖宜閒步初晴愛小園覓花都未有唯覺樹枝絲
地潤東風暖閒行蹋草芽呼童遣移竹畱客伴嘗茶雷
滴檐冰盡塵浮隙日斜新居未曾到鄰里是誰家

新昌新居書事四十韻因寄元郎中張博士

冒寵已三遷歸朝始二年囊中貯餘俸郭外買閒田狐
兔同三徑蒿萊共一壥新園聊刻穢舊屋且扶顛檐漏
移傾瓦梁敲換蠹椽平治繞臺路整頓近階甃巷狹開
容駕牆低壘過肩門閣堪駐蓋堂室可鋪筵丹鳳樓當
後青龍寺在前市街塵不到官樹影相連省吏嫌坊遠

豪家笑地偏敢勞賓客訪或望子孫傳不覓他人愛唯
將自性便等閒栽樹木隨分占風煙逸致因心得幽期
遇境牽松聲疑澗底草色勝河邊虛澗冰銷地晴和日
出天苔行滑如簞莎坐軟於絲簾每當山卷帷多待月
褰籬東花掩映窗北竹嬋娟迹慕青門隱名慙紫禁仙
假歸思晚沐朝去戀春眠拙薄才無取疎慵職不專題
牆書命筆酤酒率分錢柏杵春靈藥銅餅漱暖泉鑪香
穿蓋散籠燭隔紗笈陳室何曾埽陶琴不要絃屏除俗
事盡養活道情全尚有妻孥累猶為組綬纏終須拋爵
祿漸擬斷腥羶大底宗莊叟私心事竺乾浮榮水劃字
真諦火生蓮梵部經十二亥書字五千是非都付夢語
默不妨禪博士官猶冷中郎病已痊多同僻處住久結

靜中緣緩步攜邛杖徐吟展蜀箋老宜閒語話悶憶好
詩篇蠻榼來方瀉蒙茶到始煎無辭數相見鬚髮各蒼
然

喜敏中及第偶示所懷

自知羣從爲儒少豈料詞場中第頻桂折一枝先許我

楊穿三葉盡驚人

子進士及第行簡
次之敏中又次之

轉於文墨須留意貴向

煙霄早致身莫學爾兄年五十蹉跎始得掌絲綸

立名按唐摭言王起長慶中再主文柄意欲以第一人處敏中恨其與賀拔基
爲友基有文而落魄因密令親知速意俾敏中與基絕而基造門敏中悉以
實告乃曰一第何門不致奈何輕負至交相與歡醉或語起起曰
我比只得敏中今當更取基矣遂以第一人處基而敏中居二焉

久不見韓侍郎戲題四韻以寄之

近來韓閣老疎我我心知戶大嫌甜酒才高笑小詩靜
吟乖月夜閒醉曠花時還有愁同處春風滿鬢絲

寄白頭陀

近見頭陀伴云師老更慵性靈閒似鶴顏狀古於松山
裏猶難覓人間豈易逢仍聞移住處太白最高峰

和韓侍郎題楊舍人林池見寄

渠水暗流春凍解風吹日炙不成凝鳳池冷暖君諳在
二月因何更有冰

勤政樓西老柳

半朽臨風樹多情立馬人開元一株柳長慶二年春

偶題閣下廳

靜愛青苔院深宜白髮翁貌將松共瘦心與竹俱空暖
有低檐日春多颺幕風平生閒境思盡在五言中

余與故刑部李侍郎早結道友以藥術爲事與

故京兆元尹晚為詩侶有林泉之期周歲之間
二君長逝李住曲江北元居昇平西追感舊遊
因貽同志

從哭李來傷道氣自亡元後減詩情金丹同學都無益
水竹鄰居竟不成月夜若為遊曲水花時那忍到昇平
如年七十身猶在但恐傷心無處行

送馮舍人閣老往襄陽

紫微閣底送君回第二廳簾下不開莫戀漢南風景好
峴山花盡早歸來

莫走柳條詞送別

南陌傷心別東風滿把春莫欺楊柳弱勸酒勝於人
酬韓侍郎張博士雨後遊曲江見寄

小園新種紅櫻樹閒繞花行便當遊何必更隨鞍馬隊
衝泥蹋雨曲江頭

元家花

今日元家宅櫻桃發幾枝稀稠與顏色一似去年時失
却東園主春風可得知

代人贈王員外

好在王員外平生記得不共賒黃叟酒同上莫愁樓靜
接殷勤語狂隨爛熳遊那知今日眼相見冷於秋

惜小園花

曉來紅萼凋零盡但見空枝四五株前日狂風昨夜雨
殘芳更合得存無

蕭相公宅遇自遠禪師有感而贈

官途堪笑不勝悲昨日榮華今日衰轉似秋蓬無定處
長於春夢幾多時半頭白髮慙蕭相滿面紅塵問遠師
應是世間緣未盡欲拋官去尚遲疑

草詞畢遇芍藥初開因詠小謝紅藥當堦翻詩
以爲一句未盡其狀偶成十六韻

罷草紕泥詔起吟紅藥詩詞頭封送後花口坼開時坐
對鈎簾久行觀步履遲兩三叢爛熳十二葉參差背日
房微斂當階朶旋敲釵葶抽碧股粉藥撲黃絲動蕩情
無限低斜力不支周迴看未足比諭語難爲勾漏丹砂
裏焦僥火燄旗彤雲騰根蒂絳幘欠纓綏況有晴風度
仍兼宿露垂疑香熏罨畫似淚著燕脂有意畱連我無
言怨思誰應愁明月落如恨隔年期菡萏泥連萼玫瑰

刺繞枝等量無勝者唯眼與心知

喜張十八博士除水部員外郎

老何歿後吟聲絕雖有郎官不愛詩無復篇章傳道路
空畱風月在曹司長嗟博士官猶屈亦恐騷人道漸衰
今日聞君除水部喜於身得省郎時

與沈楊二舍人閣老同食敕賜櫻桃翫物感恩
因成十四韻

清曉趨丹禁紅櫻降紫宸驅禽養得熟和葉摘來新圓
轉盤傾玉鮮明籠透銀內園題兩字西掖賜三臣熒惑
晶華赤醞醕氣味真如珠未穿孔似火不燒人杏俗難
爲對桃頑詎可倫肉嫌盧橘厚皮笑荔枝皺瓊液酸甜
足金丸大小勻偷須防曼倩惜莫擲安仁手擘纔離核

白香山詩集卷十九
是抄半是津甘為舌上露煖作腹中春已懼長尸祿仍
驚數食珍最慙恩未報飽餵不才身

送嚴大夫赴桂州

地壓坤方重官兼憲府雄桂林無瘴氣柏署有清風山
水衙門外旌旗艤艤中大夫應絕席詩酒與誰同

春夜宿直

三月十四夜西垣東北廊碧梧葉重疊紅藥樹低昂月
砌漏幽影風簾飄閣香禁中無宿客誰伴紱微郎

夏州宿直

人少庭宇曠夜涼風露清槐花滿院氣松子落階聲寂
莫一作默挑燈坐沈吟蹋月行年衰自無趣不是厭承明

七言十二句贈駕部吳郎中七兄

時早夏朝歸閉齋獨處偶題此什

四月天氣和且清綠槐陰合沙堤平獨騎善馬銜鐙穩
初著單衣支體輕退朝下直少徒侶歸舍閉門無送迎
風生竹夜窗間臥月照松時臺上行春酒冷嘗三數盞
曉琴閒弄十餘聲幽懷靜境何人別唯有南宮老駕兄
玉真張觀主下小女冠阿容

綽約小天仙生來十六年姑山半峰雪瑤水一枝蓮晚
院花畱立春窗月伴眠迴眸雖欲語阿母在傍邊

龍花寺主家小尼

郭代公愛姬薛氏幼嘗為尼小名仙人子

頭青睂眼細十四女沙彌夜靜雙林怕春深一食飢步
慵行道困起晚誦經遲應似仙人子花宮未嫁時

訪陳二

曉垂朱綬帶晚著白綸巾出去為朝客歸來是野人兩

餐聊過日一榻足容身此外皆閑事時時訪老陳

晚庭逐涼

送客出門後移牀下砌初趁涼行繞竹引睡臥看書老
更爲官拙慵多向事疎松窗倚藤杖人道似僧居

曲江憶李十一

李君歿後共誰遊柳岸荷亭兩度秋獨繞曲江行一匝
依前還立水邊愁

江亭翫春

江亭乘曉閱衆芳春妍景麗草樹光日消石桂綠嵐氣
風墜木蘭紅露滌水蒲漸展書帶葉山榴半含琴軫房
何物春風吹不變愁人依舊鬢蒼蒼

聞夜砧

誰家思婦秋擣帛月苦風淒砧杵悲八月九月正長夜
千聲萬聲無了時應到天明頭盡白一聲添得一莖絲

板橋路

梁苑城西二十里一渠春水柳千條若爲此地今重過
十五年前舊板橋曾共玉顏橋上別不知消息到今朝

青門柳

青青一樹傷心色曾入幾人離恨中爲近都門多送別
長條折盡減春風

黎園弟子

白頭垂淚話黎園五十年前雨露恩莫問華清今日事
滿山紅葉鎖宮門

暮江吟

一道殘陽鋪水中半江瑟瑟半江紅
可憐九月初三夜露似真珠月似弓

思婦眉

春風搖蕩自東來折盡櫻桃綻盡梅
唯餘思婦愁眉結無限春風吹不開

怨詞

奪寵心那慣尋思倚殿門
不知移舊愛何處作新恩

寒閨怨

寒月沈沈洞房靜真珠簾外梧桐影
秋霜欲下手先知燈底裁縫剪刀冷

秋房夜

雲露青天月漏光中庭立久却歸房
水窗席冷未能臥

挑盡殘燈秋夜長

采蓮曲

菱葉縈波荷颭風荷花深處小船通
逢郎欲語低頭笑碧玉搔頭落水中

鄰女

娉婷十五勝天仙白日姮娥旱地蓮
何處閒教鸚鵡語碧紗窗下繡牀前

閨婦

斜凭繡牀愁不動紅綃帶緩綠鬟低
遼陽春盡無消息夜合花前日又西

移牡丹栽

金錢買得牡丹栽何處辭叢別主來
紅芳堪惜還堪恨

百處移將百處開

立名按容齋隨筆歐陽公牡丹釋名云牡丹初不載文字唐人如沈宋元白之流皆善詠花當時有一花之異者彼必形於篇什而寂莫無傳焉惟劉夢得有詠魚朝恩宅牡丹詩但云一叢千朵而已亦不云其美且異也予按白公集有白牡丹一篇十四韻秦中吟買花一章凡百言樂府牡丹芳一篇三百四十七字絕道花之妖豔又寄微之百韻云唐昌玉蕊會崇敬牡丹期又醉歸藍屋詩云數日非關王事繁牡丹花盡始歸來元微之有入永壽寺看牡丹八韻和樂天秋題牡丹叢三韻然則元白未嘗無詩唐人未嘗不重此花也按歐公不應為此無稽語必妄人偽託如宋人東坡事實朱文公云閩中鄭昂偽為之者也

聽夜箏有感

江州去日聽箏夜白髮新生不願聞如今格是頭成雪
 彈到天明亦任君

立名按容齋隨筆樂天詩云如今格是頭成雪彈到天明亦任君微之詩隔是身如夢頻來不為名格與隔二字義同格是猶言已是也今本以不解格字遂改作況是頭成雪不成語矣古人文集多為妄人改盡可歎

琵琶

絃清撥刺語錚錚背却殘燈就月明賴是心無惆悵事

不然爭柰子絃聲

和殷協律琴思

秋水蓮冠春草裙依稀風調似文君煩君玉指分明語
 知是琴心佯不聞

後宮詞

雨露由來一點恩爭能徧布及千門三千宮女臙脂面
 幾箇春來無淚痕

聽彈湘妃怨

玉軫朱絃瑟瑟微吳娃徵調奏湘妃分明曲裏愁雲雨
 似道蕭蕭郎不歸

江南新詞有云暮雨蕭蕭郎不歸

閒坐

煖擁紅爐火閒搔白髮頭百年慵裏過萬事醉中休有

室同摩詰無兒比鄧攸莫論身在日身後亦無憂

不睡

燄短寒缸盡聲長曉漏遲年衰自無睡不是守三尸

白香山詩長慶集卷第十九

[Faint bleed-through text from the reverse side of the page]

白香山詩長慶集卷第二十

律詩 五言七言凡四十首

初罷中書舍人

自慙拙宦叨清貫還有癡心怕素餐或望君臣相獻替
可圖妻子免飢寒性疎豈合承恩久命薄元知濟事難
分寸寵光酬未得不休更擬覓何官

宿陽城驛對月 自此後詩赴杭州路中作

親故尋回駕妻孥未出關鳳皇池上月送我過商山

商山路有感 并序

前年夏予自忠州刺史除書歸闕時刑部李十一侍郎戶部崔二十員外亦自澧果二郡守徵還相次入闕皆同此路今年予自中書舍人授杭州刺史又由

此途出二君已逝予獨南行追歎興懷慨然成詠後
來有與予杓直虞平游者見此短什能無惻惻乎儻
未忘情請為繼和長慶二年七月三十日題於內鄉
縣南亭云爾

憶昨徵還日三人歸路同此生都是夢前事旋成空杓
直泉埋玉虞平燭過風唯殘樂天在頭白向江東

重感

停驂歇路隅重感一長吁擾擾生還死紛紛榮又枯困
支青竹杖閒捋白髭鬚莫歎身衰老交游半已無

逢張十八員外籍

旅思正茫茫相逢此道傍曉嵐林葉闇秋露草花香白
髮江城守青衫水部郎客亭同宿處忽似夜歸鄉

赴杭州重宿棣華驛見楊八舊詩感題一絕

往恨今愁應不殊題詩梁下又踟躕羨君猶夢見兄弟
我到天明睡亦無

立名按公自忠州赴闕有棣華驛見楊八夢兄弟詩

寓言題僧

劫風火起燒荒宅苦海波生蕩破船力小無因救焚溺
清涼山下且安禪

內鄉縣一本無縣字邨路作

日下風高野路涼緩驅疲馬闇思鄉渭邨秋物應如此
棗赤梨紅稻穗黃

路上寄銀匙與阿龜

謫宦心都慣辭鄉去不難綠畱龜子住涕淚一闌干小

子須嬌養鄒婆為好看銀匙封寄汝憶我即加餐

立名按毛冕增修禮部韻略闡于流貌白居易詩玉容寂寞淚闡干又眼腔謂之闡干
闡干
而淚之闡干不但言其橫流更有借用汎瀾之意然作橫斜解自雅

山泉煎茶有懷

坐酌泠泠水看煎瑟瑟塵無由持一盃寄與愛茶人

郢州贈別王八使君

昔是詩狂客今為酒病夫強吟翻悵望縱醉不歡娛
鬢髮三分白交親一半無郢城君莫厭猶較近京都

吉祥寺見錢侍郎題名

雲雨三年別風波萬里行愁來一作秋心正蕭索況見故人名

重到江州感舊遊題郡樓十一韻

掌綸知是忝剖竹信為榮才薄官仍重恩深責尚輕昔

徵從典午今出自承明鳳詔休揮翰漁歌欲濯纓還乘

小艘一作艇却到古湓城醉客臨江待禪僧出郭迎青山

滿眼在白髮半頭生又校三年老何曾一事成重過蕭

寺宿再上庾樓行雲水新秋思閭閻舊日情郡民猶認

得司馬詠詩聲

贈江州李十使君員外十二韻

我本江湖上悠悠任運身朝隨賣藥一作宋樵客暮伴釣一作打魚

人迹為燒丹隱家緣嗜酒貧經過剡溪雪尋覓武陵春

豈有疎狂性堪為侍從臣仰頭驚鳳闕下口觸龍鱗劔

佩辭天上風波向海濱非賢虛偶聖無屈敢一作可求伸昔

去曾同日今來即後塵元和末余與李員外同日黜官今又相次出為刺史中年俱白髮

左宦各朱輪長短才雖異榮枯事略均殷勤李員外不

合不相親

題別遺愛草堂兼呈李十使君

李亦廬山人常隱白鹿洞

曾住爐峰下書堂對藥臺
斬新蘿徑合依舊竹窗開
砌水親開波池荷手自栽
五年方暫至一宿又須回
縱未長歸得猶勝不到來
君家白鹿洞聞道亦生苔

立名按遊叟詩註白樂天用斬新亦出杜斬新花
崇末應飛斬字正形容其新在可解不可解之間

重題

泉石尚依依林疎僧亦稀
何年辭水閣今夜宿雲扉
謾獻長楊賦虛拋薜荔衣
不能成一事贏得白頭歸

夜泊旅望

少事多愁客中宵起望鄉
沙明連浦月帆白滿船霜
近海江彌闊迎秋夜更長
煙波三十宿猶未到錢唐

九江北岸遇風雨

黃梅縣邊黃梅雨白頭浪裏白頭翁
九江闊處不見岸五月盡時多惡風
人間穩路應無限何事拋身一作來在此

舟中晚起

日高猶掩水窗眠枕簟清涼八月天
泊處或依酤酒店宿時多伴釣魚船
退身江海應無用憂國朝廷自有賢
且向錢唐湖上去冷吟閒醉二三年

秋寒

雪鬢年顏老霜庭景氣秋
病看妻檢藥寒遣婢梳頭
身外名何有人間事且休
澹然方寸內唯擬學虛舟

初到郡齋寄錢湖州李蘇州

聊取二郡一西故有落句之戲

一隅草堂

三五九十八
俱來滄海郡半作白頭翁謾道風煙接何曾笑語同吏
稀秋稅畢客散晚亭一作庭空霽後當樓月潮來滿座風雲
溪殊冷僻茂苑太繇雄唯此一作有錢唐郡閒忙恰得中

對酒自勉

五十江城守停杯一自思頭仍未盡白官亦不全卑榮
寵尋過分歡娛已校遲肺傷雖怕酒心健尚誇詩醉舞
吳娘袖春歌蠻子詞猶堪三五歲相伴醉花時

郡樓夜宴畱客

北客勞相訪東樓爲一開寒簾待月出把火看潮來豔
聽一作唱竹枝曲香傳蓮子杯寒天殊未曉歸騎且遲迴
寒步垂朱綬華纓映白鬚何因駐衰老只有且歡娛酒

興還應在詩情可便無登山與臨水猶未要人扶

東院

松下軒廊竹下房暖檐晴日滿繩牀淨名居士經三卷
榮啓先生琴一張老去齒衰嫌橘醋病來肺渴覺茶香
有時閒酌無人伴獨自騰騰入醉鄉

虛白堂

虛白堂前衙退後更無一事到中心移牀就日檐間臥
臥詠閒詩側枕琴

閒夜詠懷因招周協律劉薛二秀才

世名檢束爲朝士心性疎慵是野夫高置寒燈如客店
深藏夜火似僧爐香濃酒熟能嘗否冷澹詩成肯和無
若厭雅嗔須俗飲妓筵勉力爲君鋪

晚興

極浦收殘雨高城駐落暉山明虹半出松閣鶴雙歸將
吏隨衙散文書入務稀閒吟倚新竹筠粉汗朱衣

衰病

老與病相侵華簪髮不勝行多朝散藥睡少夜停燈祿
食分供鶴朝衣減施僧性多移不得郡政謾如繩

病中對病鶴

同病病夫憐病鶴精神不損翅翎傷未堪再舉摩霄漢
只合相隨覓稻梁但作悲吟和嘹唳難將俗貌對昂藏
唯應一事宜為伴我髮君毛俱似霜

夜歸

半醉閒行湖岸東馬鞭敲鐙響瓏璁萬株松樹青山上

十里沙堤明月中樓角漸移當路影潮頭欲過滿江風
歸來未放笙歌散畫戟門開蠟燭紅

立名按西湖蘇白隄相傳二公始築新書亦云居易為杭州刺史始築隄捍錢唐
湖此公初到杭州詩已有十里沙堤句又錢唐湖石函記但云修築河隄加高數尺
別杭民詩注云增築湖隄築不自公始明矣或以公詩有綠楊陰裏白沙堤為白
隄所自來然公詩如護江隄白蹋晴沙亦用白沙不獨湖隄也況公所修湖隄在湖
之東北接連下湖舊志近昭慶有石函橋溜水橋是其故址即李泌設開洩水引
灌六井處今杭人率指蘇隄之西為白隄蓋不相涉又有指石徑唐為白隄者不
知張祐已有斷橋荒蘚合之句矣白詩誰開湖寺西南路草綠裙腰一道斜自
注云孤山寺在湖洲中草綠時望如裙腰正指今石徑塘也蘇公請開西湖絕
不及築隄事但詳見本傳莫謂方輿勝覽元祐間蘇子瞻築隄湖上自南山抵
北山夾道植柳林子中勝曰蘇公隄章子厚詩天面長虹一線痕直通南北兩山春
後呂惠卿奏毀之乾道作新隄自南山淨慈寺前直抵北山湖分為兩遊人大舟
臨安志嗣守林希榜曰蘇公隄邦人祠公隄上郡守呂惠卿奏毀之堤間蓄於水
郡常隨時修治罔克久咸淳五年初廷給錢增築然則蘇隄亦非始築之舊矣

臘後歲前遇景詠意

海梅半白柳微黃凍水初融日欲長度臘都無苦霜霰
迎春先有好風光郡中起晚聽衙鼓城上行慵倚女牆

公事暫閒身且健使君殊未厭餘杭

白髮

雪髮隨梳落霜毛繞鬢垂
加添老氣味改變舊容儀
不肯長如漆無過總作絲
最憎明鏡裏黑白半頭時

錢湖州以箸下酒李蘇州以五醖酒相次寄到

無因同飲聊詠所懷

勞將箸下忘憂物寄與江城愛酒翁
錨脚三州何處會
甕頭一盞幾時同
傾如竹葉盈尊綠飲作桃花上面紅
莫怪殷勤最相憶曾陪西省與南宮

立名按馬永卿云蘇秀道中有地名五木出佳酒故人以五木名之樂天詩序有箸下酒五醖酒醖字與投同乃今之羊羔兒酒也詳其詩意當以五羔爲之以是酒名故從西云樂天詩云竹葉盈尊綠謂箸下酒取竹有綠之意也桃花上面紅謂五醖酒取桃花五葉也後人不知轉其名爲五木蓋失之矣檢韻中醖字與實同音注云重釀酒也吳郡志白居易有謝李蘇州寄五醖酒詩今里人釀酒糶米與糯米已入甕翌日又以米投之有至一再投者謂之醖其酒則清冽異常今謂

之五醖是米五醖之邪按二說各異似作投字者爲近也

花樓望雪命宴賦詩

連天際海白皚皚好上高樓望一回
何處更能分道路
此時兼不認池臺萬重雲
樹山頭翠百尺花樓江畔開
素壁聯題分韻句紅爐巡飲暖寒杯
冰鋪湖水銀爲面
風卷汀沙玉作堆
絆惹舞人春豔曳
勾留醉客夜徘徊
偷將虛白堂前鶴失却
樟亭驛後梅
別有故情偏憶得
曾經窮苦照書來

晚歲

壯歲忽已去浮榮何足論
身爲百口長官是一州
尊不覺白雙鬢徒言朱兩轡
病難施郡政老未答君恩
歲暮別兄弟年衰無子孫
惹愁諳世網治苦賴空門
孽帶知

腰瘦看燈覺眼昏不緣衣食繫尋合返丘園

宿竹閣

晚坐松檐下宵眠竹閣間清虛當服藥幽獨抵歸山巧未能勝拙忙應不及閒無勞別修道即此是玄關

歲暮在衢州張使君書并詩因以長句報之

西州彼此意何如官職蹉跎歲欲除浮石潭邊停五馬望濤樓上得雙魚萬言舊手才難敵

張曾應萬言登科

五字新題

思有餘貧薄詩家無好物反投桃李報瓊琚

和薛秀才尋梅花同飲見贈

忽驚林下發寒梅便試花前飲冷杯白馬走迎詩客去紅筵鋪待舞人來歌聲怨處微微落酒氣醺時旋旋開

若到歲寒無雨雪猶應醉得兩三回

立名按後集五卷有尋去年梅花有感詩云馬上同攜今日杯湖邊共覓去年梅又云尊前百事皆依舊點檢唯無薛秀才正指此詩也且自注云去年與薛景文同賞今年長逝是薛秀才即薛景文唐摭言乃以馬上同攜今日杯一首為元相公作云在浙東時賓府有薛書記飲酒醉後因爭令擲注子擊傷相公猶子遂出幕醒來乃作十離詩上獻元後思之有作故曰檢點惟無薛秀才事文類聚蜀伎薛濤初為連帥所喜因事獲罪怒而遠之作十離詩以獻連帥遂復喜焉按十離詩卑靡羞澀自是兒女子乞憐語摭言之說未足據也附十離詩 犬離主馴擾朱門四五年毛香足淨主人憐無端數著親情客不得紅絲毯上眠 筆離手越管宣毫始稱情紅箋紙上撒花瓊都緣用久鋒頭盡不得義之手裏擎 馬離腹雪耳紅毛淺碧蹄追風曾到日東西為驚玉貌郎君墜不得華軒更一嘶 鸚鵡離籠隴西獨自一孤身飛去飛來上錦茵都緣出去無方便不得籠中再喚人 燕離巢出入朱門未忍拋主人常愛語交文銜泥穢污珊瑚簾不得梁間更壘巢 珠離掌皎潔圓明內外通清光似照水晶宮都緣一點瑕相穢不得終宵在掌中 魚離池戲躍蓮池四五秋常搖朱尾弄綸鈎無端擺動芙蓉朵不得清波更一游 鷹離主爪利如鋒眼似鈴平原捉免稱高情無端負向青雲外不得君王手上擎 竹離亭於前鬱新栽五行常將貞節負秋霜為緣春筍鑽牆破不得垂陰覆玉堂 鏡離臺鑄瀉黃金鑑始開初生三五月徘徊為遭無限塵蒙蔽不得華堂上玉臺



與諸客空腹飲


隔宿書招客平明飲暖寒麴神寅日合酒聖卯時歡促
邾纜飛白醅顏已渥丹碧籌攢米盃紅袖拂散盤醉後

歌尤異狂來舞可難拋杯語同坐莫作老人看

立名按各本於二十一卷之首並載後序是以前二十卷還長慶集矣乃第八卷及二十卷猶雜入長慶三年詩蓋誤以為前集之終於長慶耳豈公自序中訖長慶二年冬之語都不省視邪按公以長慶二年七月除杭州時汴河未通取襄陽路赴杭十月至任則小歲日對酒以下詩皆長慶三年春作也今悉校歸後集

白香山詩長慶集卷第二十





110X
503
10